

Inatsisissatut siunnersuummut nassuiaatit

Nassuiaatit nalinginnaasut

1. Aallaqqaasiut

Siunnersuutip siunertaraa, unammilleqatigiinnermut inatsit eqqortunik sinaakkutaqarnersoq qulakkiissallugu, qulakkeerinninnermi unammilleqatigiinnermut siuarsaaqataallunilu unammilleqatigiinnermut innarliinnginnissamut suliniutaalluni.

Unammilleqatigiinnermut ajornartorsiutit unioqquitsilluni iliuitsinik peqquteqanngillat, niuerfimmili periutsinut naleqqutinngitsunut tunngassuteqarlutik. Inuussutissarsiuteqartuni aaliangersimasuni iliuitsinut periutsinullu tunngasunik niuerfimmik misissuineq pillugu tunngavissaqalernerup periarfissippaa, niuerfimmi periutsinut iliuitsinullu naapertuutinngitsunut, illua-tungeriit unammilleqatigiinnermut inatsimmik unioqquitsinngikkaluarlutik, unammilleqatigiinnermut innarliisumut iliuserisassatut peqqussuteqartoqarsinnaalerneq. Assersuutigalugu qaffasissumik akilersuinerit imaluunniit unioqquitsisumik iliuseqanngikkaluarluni unammilleqatigiinnermut ajoqusiisumik periuseqarluni suliffeqarfimmi iluanaaruteqarneq.

Siunnersuutigineqarpoq, unammilleqatigiinnermut pisortaqarfiit suliamik suliaqarnissaminnut paasisutissanik noqqaassuteqarsinnaanerit unammilleqatigiinnermut inatsimmeereersut allannguutissatut siunnersuummi pineqartumi immikkoortut arlallit ilaneqarlutillu sakkortusarneqarput.

Inatsimmi tunngavissatut siunnersuutigineqarpoq, Atuisartoqarnermut Unammilleqatigiinnermullu Aqutsisoqarfiup inuussutissarsiortunik misissuisinnaalissasoq, tassani niuerfimmi unammilleqatigiinneq atukkallu qanoq innersut paasiumallugu.

Siunnersuummi siunnersuutigineqarpoq, suliffeqarfinnut kattunnikut pillugit suliani pisuni aaliangersimasuni killigititat atorunnaarsinneqarsinnaasut, tassani paasisutissat attuumassuteqartut nassiunneqarnissaat tikillugu.

Siunnersuutigineqarpoq, aaqqissuussaq; ilaasortaq ataaseq inuussutissarsiornermut kattuffinnit ataatsimoortunit inassuteqarnerat malillugu atorunnaassasoq. Allannguutitullu siunnersuutigineqarpoq, Naalakkersuisut, qinnuteqarnissamut ingerlatseriaaseq aallaavigalugu, atuisartoqarnermut pissutsinut ilisimasalimmik ilaasortassamik toqqaassapput.

Siunnersuutigineqarpoq, Unammilleqatigiinnermut Ataatsimiititaliap taasinnermut maleruagassai Inatsisartut inatsisaannut ilanngunneqassasut. Nalunaarummi atorunnaarsinneqareersumi siornatigut atuarneqarsinnaasimagaluarput.

Aammattaaq allaffissornermi ingerlatsinikkut teknikikkullu minnerusunik allannguuteqartoqassasoq siunnersuutigineqarpoq. Assersuutigalugu paasissutissanut namminer muinnaq tunngasunut takunnissinnaanermut aamma unammilleqatigiinnermut suliat isertornerusumik suliarisinnaanarlugit inatsisitigut aallaavittut inummut paasissutissat pillugit suliarinninnermi inatsisit malillugu inummut paasissutissat tigusinnaanissaannut killeqarnerulerneq. Matuma kingorna siunnersuutigineqarpoq, ullormut aamma pinngitsaaliissummik akileeqqussutit Nunatta Karsianut ikineqartassasut.

2. Siunnersuummi immikkoortut pingaarnert

2.1. Inatsisit atuuttut

Atuisartoqarnermut Unammilleqatigiinnermullu Aqutsisoqarfimmi suliffeqarfinnut kattunnikunik suliaassanngortinneqarsimasut ullumikkut, immikkut pisoqartillugu kinguartinneqarsinnaasumik, killigititaqarput. Suliffeqarfiit kattunnikut pillugit suliaassanngortitaq § 20, imm. 5 atuuttoq malillugu, Atuisartoqarnermut Unammilleqatigiinnermullu Aqutsisoqarfiup killigitinneqarlutik atuuttut qaangiutsinnagit kattunneq pillugu suliaassanngortinneqarsimasoq suliaralugu naammassisimangippagu, akuerineqassaaq, akuersissummillu imaluunniit inerteqqummik inaarutaasumik aalajangiilluni.

Kattunneq pillugu suliaassanngortitaq naammassineqarpat, killigititat aallartinneqassapput. Ilaatigut kingorna aqutsisoqarfik kattunneq pillugu suliaassanngortinneqartumi ajoqusiillutik sunniuteqartut pillugit nalilersueqqinnissaminut paasissutissanik allanik suli pisariaqartitsisoq paasineqartarpoq. Maleruagassat atuuttut malillugit aqutsisoqarfik paasissutissanik allanik pisariaqartitsinera killigititanut sunniuteqarneq ajorpoq.

Unammilleqatigiinnermut Ataatsimiititaliap unammilleqatigiinnermut inatsit, tassungalu atatillugu maleruagassat allat atuutsinneqartut, tunngavigalugit allaffissorinikkut ingerlatsineq akisussaaffigaa. Maleruagassani atuuttuni malitsigineqarpoq, siulittaasoq ilaasortassallu Naalakkersuisunit ukiut sisamakkaartumik toqqarneqartassasut. Sulili piffissaritinneqartoq qaangiutinngitsoq nutaamik ataatsimiititaliamik toqqaasariaqarneq inatsimmi atuuttumi ilaatinneqarani. Matumani kinguneqarpoq, unammilleqatigiinnermut ataatsimiititaliaqartuaannarnissaanut, taamaasilluni aalajangiillunilu sulianik suliarinnittarnerit kinguaattooratik suliarineqarlutik naammassineqartarnissaannut, isumannaarisoqartuaannannginnera.

Atuisartoqarnermut Unammilleqatigiinnermullu Aqutsisoqarfiup maleruagassat atuuttut malillugit niuerfimmik misissuinissaminut periarfissaqanngilaq.

Atuisartoqarnermut Unammilleqatigiinnermullu Aqutsisoqarfik ullumikkut suliffeqarfimmik, aqutsisoqarfik unammilleqatigiinnermut inatsimmik unioqquutitsisoqarneranik ilimasuuteqaruni, nakkutilliisinnaavoq, misissuinerlu aallaavigalugu unammilleqatigiinnermut ajornartorsiutinut uppersarneqarsimasunut niuerfimmik ingerlatsisunut iliuserisassatut periutsikkullu peqqussuteqarsinnaalluni. Nakkutilliinermi misissuinerit Unammilleqatigiinnermut Ataatsimiititaliap nakkutilliineranut – imaluunniit nakkutilliisutut ingerlatsisup – unammilleqatigiinnermut inatsimmik unioqquutitsisoqannginnissamut sakkusaatut isigineqarsinnaavoq. Nakkutilliinermi misissuineq, Unammilleqatigiinnermut Ataatsimiititaliap sulianik ingerlatsinermi suliassat suliarineqartarnerat pillugu inatsit tunngavigalugu aalajangiisariaqarneranut aallarniutaasinnaavoq. Inatsit maannakkut atuuttoq misissuinissamut niuerfimmilu, tassani unammilleqatigiinnermut maleruagassat unioqquutinneqanngikkaluarlutik unammilleqatigiinnermut ajoqusiisunik pilersitsisimappata, periutsinut aamma iliutsinut iliuseqarnissamut periarfissaqartitsigani.

Unammilleqatigiinnermut inatsimmi § 6, imm. 1 imaluunniit § 11, imm. 1 naapertorlugu unammilleqatigiinnermi ajoqusiisoqartoq – imaluunniit ajoqusiisoqarsimasoq - nakkutilliinermi misissuineq aallaavigalugu uppersarineqarpat, Unammilleqatigiinnermut Ataatsimiititaliap peqqussuteqarsinnaavoq, tak. § 28, imm. 1. Unammilleqatigiinnermut Ataatsimiititaliap § 6-imi imaluunniit § 11-mi inerteqqussut unioqquutinneqarsimasoq uppersarsiguniuk, piaartumik peqqussuteqarsinnaavoq. Peqqussuteqarnermi iliut inerteqqutaasoq unitsinneqassasoq nalunaarutigineqarsinnaavoq, tassani peqqussutit immikkut piunasaqaateqarsinnaasut assigalugit.

Unammilleqatigiinnermut Ataatsimiititaliap aamma suliame suliffeqarfik Atuisartoqarnermut Unammilleqatigiinnermullu Aqutsisoqarfiup nalunaarutaanni § 6, imm. 1 aamma § 11, imm. 3-mut atatillugu peqqussutigineqartunik pituttuisumik aalajangiisinnaavoq, tassani Unammilleqatigiinnermut Ataatsimiititaliap unioqquutitsisoqarneranik nassaanngikkaluartoq, tak. § 29, imm. 1.

Sulianut paasissutissanut atatillugu Atuisartoqarnermut Unammilleqatigiinnermullu Aqutsisoqarfik tamatigut illua-tungeriit paasissutissaataannik kisimi pisariaqartitsisuaannangilaq, ilaatigut pingajuusumit paasissutissanik noqqaassuteqartariaqarsinnaavoq.

Unammilleqatigiinnermut inatsimmi maleruagassat maannakkut atuuttut malillugit suliani paasissutissanik takutitseqqusinninnermut tunngasut ilanngunneqanngillat, tak. Pisortat ingerlatsineranni suliassat suliarineqartarnerat pillugu Inatsisartut inatsisaat. Paasissutissanik

takutitseqqusinninnerup nalinginnaasumik peqquteqartarpoq, Atuisartoqarnermut Unammilleqatigiinnermullu Aqutsisoqarfik, inatsisitigut allaffissornermi paasissutissanik amerlasuunik tigummiagaqalertarnera, suliffeqarfimmut paasissutissat isertuussat ilanngullugit, paasissutissat tamanut saqqummiunnerini unammilleqatigiinnermut ilaannut ilaqutaasinnaasut ilaannullu ajoqusiisinnaallutik.

Pisortat ingerlatsinerat pillugu paasitinneqarsinnaatitaanermut inatsimmi paasissutissanut namminer muinnaq tunngasunut takunnissinnaanermut maleruagassat atornerqarput. Tamanna isumaqarpoq, pisortaqarfiup innuttaasoq pillugu suliami pineqartumi paasissutissat imminnermut tunngasut pillugit takunnissinnaatitaasoq. Inatsimmut atuuttumi § 24, imm. 1, 2. pkt.-imut nassuiaatini takuneqarsinnaavoq, suliani, unammilleqatigiinnermut inatsit malillugu aalajangiiffigineqarsimangikkuni aalajangiiffigineqartussami, paasissutissanut namminer muinnaq tunngasunut takunnissinnaaneq suliffeqarfimmut kisimi atuutsinneqartoq – innuttaasunullu atuutsinneqarani. Inatsimmi atuuttumi ersarissumik allaqqasoqanngilaq.

Ullormut aamma pinngitsaaliissummik akileeqqussutit unammilleqatigiinnermut inatsimmi ullumikkut Nunatta Karsianut ikineqartarput.

Maannakkut maleruagassani atuuttuni Naalakkersuisut Unammilleqatigiinnermut Ataatsimiititaliamut ilaasortamik ataatsimik inuussutissarsiornermut kattuffinnit ataatsimoortunit inassuteqarneq malillugu toqqaasarneq atorunnaassasoq. Maannakkut inuussutissarsiornermut kattuffeqanngilaq. Taamaattumillu inatsit allanngortinneqartariaqarluni.

Ullumikkut Unammilleqatigiinnermut Ataatsimiititaliap taasinissamut maleruagassai sumiluunniit allasimangillat. Taamaattumik siunnersuutigineqarpoq, ataatsimiititaliap taasinissamut maleruagassai unammilleqatigiinnermut inatsimmi allaqqalissasut.

2.2 Siunnersuutip imarisaa

Siunnersuummi siullertut siunnersuutigineqarpoq, kattunnikut pillugit suliassanngortitani sularinninnermi killigititaq unitsinneqarsinnaanissaannut periarfissaqalernissaq, tassani Atuisartoqarnermut Unammilleqatigiinnermullu Aqutsisoqarfiup kattunneq pillugu nalilersuinissaminut pisariaqartillugu noqqaassutigisimagaluarlugu, suliffeqarfiit peqataasut paasissutissat allat piumaneqartut nassiuinngippagit. Maleruagassat atuuttut malillugit aqutsisoqarfiup kattunneq pillugu suliassanngortinneqartumi killigititat sunniuteqartinnagit paasissutissat attuumassuteqartut ilassutaasussallu nalilersueqqissaarnissaminut pisariaqartippai. Kattunnerup nalinginnaasumik ingerlaannaq akuerineqarsinnaaneramik tamanna kinguneqarsinnaavoq, tassani kattunnermi peqataasut paasissutissat pisariaqartinneqartut nassiuinissaannut kinguarsarsimappat. Siunnersuutip qiunertaraa,

kattunneq misissorneqaqqaarani akuerineqartassanngitsoq, tassani suliamik suliarinninnermi killigititaq qaangiukkalarpat.

Aammattaq siunnersuutigineqarpoq, Atuisartoqarnermut Unammilleqatigiinnermullu Aqutsisoqarfik niuerfimmik misissuinnermi unammilleqatigiinnermut ajornartorsiutinut uppersarneqarsimasunut iliuuseqarsinnaalernissaanut atuutsitsilerneq periarfissiissasoq, tassani unammilleqatigiinnermut inatsit unioqqutinneqarsimanngikkalarpalluunniit.

Siunnersuut malillugu Atuisartoqarnermut Unammilleqatigiinnermullu Aqutsisoqarfik Unammilleqatigiinnermut Ataatsimiititaliap aalajangiissuteqarnerasigut ataatsimik arlalinnilluunniit inuussutissarsiteqartuni iliuusitigut periutsiniluunniit atuisunut suliffeqarfinnullu allanut unammilleqatigiinnermut innarliisoqarnerasoq pillugu niuerfimmik misissuinnermik aallartisisinnaassaaq. Assersuutigalugu periutsitigut unammilleqatigiinnermut innarliisunik suleriuseqarnermi qaffasippallaartumik akilersuinerit imaluunniit iluanaarutit, tassani suliffeqarfiit ilaanni unioqqutitsinerunngikkaluartoq.

Taamaasilluni Unammilleqatigiinnermut Ataatsimiititaliaq unammilleqatigiinnermut inatsimmi inerteqqutiginerlutik aalajangersakkanik unioqqutitsisoqarnerasoq pillugu nakkutilliiginnarani, aningaasaqarnikkut niuerfimmi atukkanik periutsinillu, unammilleqatigiinnermut innarliisoqarnerasoq pillugu, nakkutilliisalissasoq.

Aqutsisoqarfiup unammilleqatigiinnermut innarliisumik ingerlatsisoqartoq nalilerpagu uppersarsinnaallugulu, siunnersuutigineqarpoq, aqutsisoqarfik niuerfimmik misissuinnermi naammassillugu unammilleqatigiinnermut iluarsissummik iliuusissamik peqqussuteqarsinnaasoq. Siunnersuut akuerineqarpat, peqqussutit pineqartut Unammilleqatigiinnermullu Ataatsimiititaliamit inissinneqarnikuugaluartut siunertarineqartaralik, Unammilleqatigiinnermut inatsimmi inerteqqutitut aalajangersakkatut maleruagassanik unioqqutitsinerit ilanngunneqassasut.

Akuliutissagaannili unammilleqatigiinnermut innarliinnermi uppersarneqarsimasumik iluarsinissamut akuliuttoqassaaq, akuliunnerlu unammilleqatigiinnermut ajornartorsiutinut uppersarneqarnikunut naleqquttuussalluni.

Siunnersuutigineqarpoq, niuerfimmik misissuisoqarsinnaaneq pillugu Unammilleqatigiinnermut Ataatsimiititaliap aalajangiissummik saqqummiussisoqarnerata kingorna, Atuisartoqarnermut Unammilleqatigiinnermullu Aqutsisoqarfik kingusinnerpaamik ukiut marluk qaangiutsinnagit niuerfimmik misissuineq naammassillugu peqqussummik aalajangiussillutik imaluunniit neriorsummik pituttuisumik imaluunniit niuerfimmik misissuineq naammassisoq pillugu tamanut saqqummiussilluni aalajangiisinnaavoq.

Taamaasiernerup suliffeqarfiit niuerfimmik misissuinerum attuumassuteqartut, ersarissumik qaqugu misissuinerup naammassineqarnissaanut naatsorsuuteqarsinnaanissaat qulakkiissavaa.

Allannguutissatut siunnersuummi aamma paasissutissanik tamanut saqqummiineq sammineqarpoq. Atuisartoqarnermut Unammilleqatigiinnermullu Aqutsisoqarfik unammilleqatigiinnermut suliani paasissutissanut atatillugu pingajuusumit noqqaassuteqakkajuttarpoq. Nalinginnaasumik pingajuusup paasissutissat, suliamik suliarinninnermut attuumassuteqartut, isertuussanik imaqanngitsut nassitutissavai. Aqutsisoqarfimmi suliani paasissutissat sinaakkutaasa isumannaarnissaannut siunnersuutigineqarpoq, inatsisitigut paasissutissat uppernarsaatillu sulianik suliarinninnermi atornerqartut tunngavilerneqarnissaat, aqutsisoqarfimmiillu pingajuusumit oqaaseqaatit tamanut saqqummiuttarnissaannut qanoq pisariaqartitsisoqartiginersoq. Ingerlatsinerum aamma suliffeqarfiup isertugaatai pillugit paasissutissanik tamanut saqqummiussinnermi mininneqartussanut maleruagassat atuuttut malillugit tamanut saqqummiussisoqartassaaq.

Siunnersuutip Unammilleqatigiinnermut Ataatsimiititaliap, pineqartoq inatsisartut inatsisaanni aalajangersakkanut ilaatinneqarnermoq pillugu paasissutissat tamaasa tunniunneqarnissaannut piumasqaateqarnissaanut periarfissaqartilissavaa, aammalu paasissutissat suliami nalilersuinissamut pisariaqartinneqartut unammilleqatigiinnermut pisortaqarfiit unammilleqatigiinnermut inatsimmut siunnersuummi tunngavissaqalissammata. Aammattaaq pisiortorfiit avataaneersut aamma inuit suliami peqataasut paasissutissanik noqqaassuteqarfigineqarsinnaalissapput.

Siunnersuutip Atuisartoqarnermut Unammilleqatigiinnermullu Aqutsisoqarfik suliffeqarfinnut, immikkoortortamik misissuinerum atugassanik, paasissutissanik noqqaassuteqarsinnaalernissaannut inatsisitigut tunngavissaqalersissavaa, kiisalu suliami inernerineqartut tamanut saqqummiussinnaalissallugit. Immikkoortortamik misissuinnermi anguniagaavoq, unammilleqatigiinnermi aamma niuernermi immikkoortortani atukkat paasisaqarfiginissai. Aqutsisoqarfiup paasissutissanik piumasqaarsinnaatitaanera allatuulli, paasissutissanik noqqaassuteqarsinnaatitaanermi, pinngitsaaliissummik akileeqqussuteqarnikkut imaluunniit akiligassinneqarnikkut atorunnaarsinneqarsinnaapput.

Aammattaaq siunnersuutigineqarpoq, Unammilleqatigiinnermut Ataatsimiititaliami ilaasortat ukiut sisamakkaartumik ilaasortaanerat sivitsorneqartassasut, tassani nutaamik ataatsimiititaliap naanerani nutaanik ilaasortassanik taasisoqarsimangippat. Aalajangersakkami § 27, imm. 2-mik allannguinnermi siunertaavoq, aalajangiisinnaallunilu sulianik suliarinninnermik kinguaattoorneqanngitsumik naammassinnaasumik unammilleqatigiinnermut ataatsimiititaliaqartuaannarnissamik qulakkeerinnineq.

Aammattaaq siunnersuutigineqarpoq, § 24-mi oqaaseqaat allanngortinneqassasoq, taamaasilluni inatsimmi ersarissumik allaqqassasoq, suliani aalajangiiffigineqarnikuni imaluunniit aalajangiiffigineqartussani suliffeqarfiup paasissutissanut nammineruinnatq tunngasunut takunnissinnaaneranut tunngassuteqartoq. Unammilleqatigiinnermut inatsit malillugu suliat misissuinerillu nalinginnaasumik pisortat ingerlatsinerat pillugu paasitinneqarsinnaatitaanermut inatsimmi paasissutissanik takunnissinnaatitaanermut maleruagassat ilaatinneqartanngillat, kisiannili suliani taakkunani paasissutissanut nammineruinnatq tunngasunut takunnissinnaasoqarpoq. Allannuummut aallaavigineqarpoq, aalajangersakkap maannakkut oqaaseqaammigut, unammilleqatigiinnermi sulianik misissuineranut atatillugu paasissutissanut nammineruinnatq tunngasunut takunnissinnaatitaanermut periarfissat annertummata.

Aammattaaq siunnersuutigineqarpoq, unammilleqatigiinnermut inatsit malillugu suliat misissuinerillu inunnik paasissutissanik suliarinnittarnermut inatsimmi inuit, inuillu suliami eqqartorneqartut paasissutissiinissamut pisussaaffeqarfiannut malittarisassanut ilaatinneqassanngitsut.

Inunnik paasissutissanik suliarinnittarnermut inatsimmi nalunaaruteqarnermut takunnissinnaatitaanermullu malittarisassat, suliat misissuinerillu siunertaat qajannaallisarsinnaavaat, suliat misissuinerillu taakku pisortat ingerlatsinerat pillugu paasitinneqarsinnaatitaanermut inatsit malillugu takunnissinnaatitaanermut ilaatinneqanngimmata, aammattaaq inunnik paasissutissanik suliarinnittarnermut inatsimmi ilaatitsinnginnermut aalajangersakkat naapertorlugit nalunaaruteqartariaqannginnermik imaluunniit takunnissinnaatitaanermik itigartitsisoqarnissaanik suliani tamani immikkut nalilersuisoqassappat atugassiissutinik atuingaatsiarsinnaammat.

Siullertut unammilleqatigiinnermut inatsit malillugu suliat misissuinerillu suliffeqarfiup isumaqatigiissutaanut pissusilersorneranullu tunngassuteqarput, pisortallu ingerlatsinerat pillugu paasitinneqarsinnaatitaanermut inatsisaata sulianut misissuinerinullu atuutinneqannginneranut siunertaa tassaavoq, paasissutissat taakku amerlanertigut isertuussaasartut. Taamaattumik innarliisoqarsinnaavoq, soorlu inunnik paasissutissanik suliarinnittarnermut inatsit naapertorlugu suliffeqarfimmi sulisup suliffeqarfimmiit allamiit paasissutissanik aaneqarnikuni sulisoq pineqartoq pillugu qanoq paasissutissanik nalunaarsuisoqarsimanera pillugu pissarsinissaminut imaluunniit takunnissinnaanerminut pisinnaatitaappat. Taamaasiortoqarnerani sulisoq, sulisorlu suliffeqarfia suliffeqarfimmi allami pissutsit pillugit takunnilersinnaavoq. Tamanna misissuineranut suliffeqarfimmullu misissorneqartumut innarliisinnaavortaaq.

Aappaattut inuit unammilleqatigiinnermut inatsit malillugu suliani misissuinerinilu paasissutissanik imminnermut tunngasunik pissarsinissaminut imaluunniit takunninnissaminut suliffeqarfittuulli anguniagaqarneq ajormata.

Tassunga pissutaavoq, suliat misissuinerillu oqaatigineqareertut suliffeqarfinnut tunngassuteqartarmata. Taamaattumik Atuisartoqarnermut Unammilleqatigiinnermullu Aqutsisoqarfiup suliarinninnera aallaavittut suliami inuit pineqartunut amerlanersaanut kingunerluuteqarnaviangilaq. Tamanna peqatigalugu, suliat misissuinerillu suliffeqarfinni misissorpeqartuni inuit, soorlu aqutsisutut imaluunniit sulisutut iliuusaat pillugit paasissutissanik annertunermik imaqaassapput. Assersuutigalugu suliffeqarfiup maalaarutigineqarnera pillugu suliami imaluunniit suliffeqarfimmik misissuinerimi suliami pineqartumi atit taaneqarsimasut, e-mailini taaneqarsimasut aamma allaqatigiinnerni taaneqarsimasut suliamut toqqorpeqassallutik naatsorsuutigisinnaavaat.

Atuisartoqarnermut Unammilleqatigiinnermullu Aqutsisoqarfiup suliaqarnera toqqaannangitsumik sulisunut ataasiakkaanut kingunipiloqarsinnaassaaq. Aqutsisut imaluunniit sulisoq qullersaq, taassuma ilagalugu suliffeqarfimmi pisortaq, pissutsit apeqqutaatillugit akiligassiissuummut akisussaatinneqarsinnaanerannut tunngassuteqarpoq. Suliffeqarfiup aqutsisoqarfiata imaluunniit sulisup qullersap atorfeqarfimmini suliffeqarfiup suliami peqataasutut paasissutissanut takunnissinnaatitaanermi aamma suliami illua-tungiusutut tusarniaasinnaanermi il. il. suliamut ilisimareersinnaavoq. Taassuma saniatigut pineqartup eqqartuussivinni akiliisitsiniarneq pillugu eqqartuussaananermi takunnissinnaanermi illersorneqarsinnaanermi il. il. Kalaallit Nunaanni eqqartuussisarnermik inatsimmi malittarisassat naapertorlugit pisinnaatitaaffeqarpoq. Taamaattumik inunnik paasissutissanik suliarinnittarnermut inatsit malillugu paasissutissiinissamut pisussaaffeqarneq aamma takunnissinnaanermik pisinnaatitaaffik pisariaqarnaviangillat, pinertunut aamma pisariaqarnaviangillat.

Pingajuattut inunnik paasissutissanik suliarinnittarnermut inatsimmi malittarisassat naapertorlugit takunninnissamik noqqaassutit suliarineqassappata atugassiissutinik annertuumik atuinartussaavoq. Tassunga pissutaavoq, unammilleqatigiinnermut inatsit malillugu suliani misissuinerinilu arlalippassuarnik paasissutissaqakkajuttartoq, paasissutissallu sorliit takuneqarsinnaanersut suussusilernissaat atugassiissutinik annertuumik atuinartussaammat. Pissusissamisoornaviangilaq, Atuisartoqarnermut Unammilleqatigiinnermullu Aqutsisoqarfiup atugassiissutinik tassunga atuissappat, aqutsisoqarfiup suliai misissuinerilu inunnut tunngassuteqanngimmata, tamannalu ilutigalugu unammilleqatigiinnermut inatsisip maleruarneqarnissaanut piffissaajaataassalluni.

Maleruagassat atuuttut malillugit Unammilleqatigiinnermut Ataatsimiititaliamut ilaasortaq ataaseq atuisartoqarnermut kattuffinnit ataatsimoortuni inassuteqarneq malillugu toqqaarneqartassasoq. Kalaallit Nunaanni atuisartoqarnermut kattuffeqannginnerani

siunnersuutigineqarpoq, atuisartoqarnermut pissutsinut ilisimasalimmik Unammilleqatigiinnermut Ataatsimiititaliamut ilaasortassamik ataatsimik toqqaasoqartassasoq, Naalakkersuisullu soqutiginnittut atorfirmut qinnuteqarneri aallaavigalugit ilaasortassamik toqqaasassasut. Taamaasilluni siunnersuutigineqarpoq, ataatsimiititaliamut allatseqarfik toqqaanissamut qaammatit pingasut qaangiutsinnagit tamanut ammasumik nuna tamakkerlugu tusagassiuutitigut aamma Atuisartoqarnermut Unammilleqatigiinnermullu Aqutsisoqarfiup nittartagaatigut, atuisartoqarnermut pissutsinut ilisimasalimmik ataatsimiititaliamut ilaasortassatut soqutiginnittut qinnuteqartoqarsinnaasut pillugu, saqqummiussisassasoq.

Aammattaaq Unammilleqatigiinnermut Ataatsimiititaliap taasititsinermi maleruagassai inatsimmut ilanngunneqarnissaat siunnersuutigineqarpoq. Nalunaarummi atorunnaareersumi siornatigut takuneqarsinnaasimagaluarput.

3. Aningaasaqarnikkut allaffissornikkullu pisortanut sunniutaasussat

Siunnersuut pisortanut immikkut aningaasartuutaassanngilaq. Suliassanut nutaanut aningaasartuutit Atuisartoqarnermut Unammilleqatigiinnermullu Aqutsisoqarfiup aningaasat atorneqartussatut akuersissutaannit matussuserneqartarnissai naatsorsuutigineqarpoq, aqutsisoqarfimmi sulianik annertusaasoqarnissaa siunertaanngimmat.

Taamaattumik siunnersuut aqutsisoqarfiup allaffissornikkut ingerlatsinerani atugassiissutaanik pingaarnersiuititsissaaq, tassanilu sulisuminik nutaanik ilinniarnikkut pitsanngorsaanikkullu suliniuteqarnerit ukkatigineqassallutik.

4. Aningaasaqarnikkut allaffissornikkullu inuussutissarsiortunut sunniutaasussat

Siunnersuut inuussutissarsiortut aningaasaqarnerannut kingunipiluuteqartitsisussatut naatsorsuutigineqanngilaq. Siunnersuummi niuerfimmik misissuineranut aamma immikkoortortamik misissuineranut tunngasunut inuussutissarsiuteqartut allaffissornikkut killilimmik kinguneqassutigilersinnaavaat.

Siunnersuutip niuffaffimmik ingerlalluartumik unammilleqatigiinnermik sunniuteqarluartumik tapersersuina atugassiissutinik atuilluarnerulersitsilluni, siunissami inuussutissarsiortnermi pitsaasumik toqqaannangitsumillu kinguneqartitsisinnaavoq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut imaluunniit inuiaqatigiinni peqqissutsimut kingunipiluuteqarnissaa naatsorsuutigineqanngilaq.

6. Innuttaasunut inuttut pisinnaatitaaffiit kingunerluutillu

Siunnersuut innuttaasunut kingunerluuteqarnissaa naatsorsuutigineqanngilaq. Siunnersuutip niuffaffimmik ingerlalluartumik tapersersuinera innuttaasut atuisuunerannut toqqaannangitsumik iluaqutissartaqassaaq.

Siunnersuut innuttaasut inuttut pisinnaatitaaffiit toqqaannartumik kingunerluuteqarnaviannngilaq.

7. Nunanut allanut attuumassuteqarnermut nunallu immikkoortuani politikkinut kingunerluutit, kingunerluutillu allat

Siunnersuutip nunanut allanut attuumassuteqarnermut nunallu immikkoortuani politikkinut kingunerluuteqarnissaa ilimagineqanngilaq.

§ 34, imm. 1 aamma 2-mi oqaatsit atorneqartut allanngortinnissaannut siunnersuutip Atuisartoqarnermut Unammilleqatigiinnermullu Aqutisoqarfiup Naalagaaffeqatigiinni, Qallunaat Nunaanni Savalimmiunilu unammilleqatigiinnermut oqartussaasunut paasissutissanik ingerlatitseqqissinnaaneranut pisinnaalertissavaa.

Tassani oqaatsinik erseqqissaasoqarpoq.

Ulloq manna nunani avannarlerni unammilleqatigiinnermut oqartussanut paasissutissanik ingerlatitseqqinneq periarfissaavoq.

8. Oqartussaasunut kattuffinnullu il.il. tusarniaaneq

Siunnersuut piffissami ulloq 21. novembari. 2025 – 15. decembari 2025-mi Naalakkersuisut nittartagaanni tusarniaanerit aqutigalugu tamanut saqqummiunneqarnikuuvoq. Tassunga takussutissaq 2 innersuussutigineqarpoq.

Siunnersuut piffissami pineqartumi ataani allassimasunut tusarniaassutigineqarsimavoq:

Naalakkersuisut Siulittaasuata Naalakkersuisoqarfia
Ineqarnermut, Attaveqaasersuutinullu Naalakkersuisoqarfik
Aningaasaqarnermut Akileraartarnermullu Naalakkersuisoqarfik
Isumaginninnermut, Suliffeqarnermut Nunamullu Namminermut Naalakkersuisoqarfik
Unammilleqatigiinnermut Ataatsimiititaliaq
Sulisitsisut

SIK

NUSUKA

KNAPK

Kommuneqarfik Sermersooq

Kommune Qeqertalik

Avannaata Kommunia

Kommune Kujalleq

Qeqqata Kommunia

Nalik Ventures

Nunatsinni Advokatit

Grønlands Revision

BDO

Grønlandsbanken

Bankivik

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Siunnersuutigineqarpoq, § 20-mut atuuttumut imm. 6-7 ilanngunneqassasut. § 20, imm. 1-4-ni killigititat immikkut pisoqartillugu unitsinneqarsinnaasut siunnersuutigineqarpoq, tassani Unammilleqatigiinnermut Ataatsimiititaliaq, § 30 malillugu suliffeqarfinnut suliameq qataasunut, paasissutissanik piunasaqarneranik peqquteqartumik, piunasaallu ataatsimiititaliap killigititaata iluani naammassineqarsimangippat.

Ataatsimiititaliamut paasissutissat pisariaqartinneqartut tunniunneqarnissaata tungaanut killigititat unitsinneqassasut siunnersuutigineqarpoq.

Siunnersuutip kingorna ataatsimiititaliaq paasissutissat piunaneqartut tunniunneqarnissaannut killigititamik inissiissaaq. Killigititaq nalilersorluarneqarluni inissinneqassaaq, tassani ataatsimiititaliap ilaatigut suut paasissutissat noqqaassutigineqarnerisut noqqaassuteqarnerlu qanoq kingusitsiginersoq, aamma suliffeqarfiit paasissutissanik pisariaqartinneqartunik tunniussinissaminnut suut periarfissarinerat aallaavigalugit killigititamik inissiissalluni.

Siunnersuutip kingorna suliffeqarfiit kattunnikut pillugit suliameq killigititat kisimi unitsinneqartassapput, paasissutissat pisariaqartinneqartut killigititap, ataatsimiititaliap suliffeqarfinnut killigititatut inississimasaata, qaangiutinnginnerani ataatsimiititaliamut tunniunneqarsimangippata. Ataatsimiititaliaq taamaasilluni nutaamik killigititamik inissiissanngilaq, suliffeqarfiilli paasissutissat piunaneqartut tunniunnissaannut utaqqissalluni, tassani § 20, imm. 1-4-ni killigititat malitsigisatut unitsinneqarlutik.

Killigititat aallartinneqaaqqissapput, paasissutissat ataatsimiititaliamit noqqaassutigineqarsimasut tiguneqarpata.

§ 30 atuuttoq malillugu paasissutissanik noqqaasuuteqarnermi ataatsimiititaliap suliffeqarfik paasissutissanik noqqaassutigineqartunik tunniussinissamut killigititaqartoq, paasissutissanillu tunniussisimangikkaanni killigititat unitsinneqartartut.

Paasissutissat tunniunneqarpata, ataatsimiititaliap nalilersussavaa, paasissutissat ataatsimiititaliamit noqqaassutigineqartut tunniunneqarsimanersut. Tamanna pisimangippat, ataatsimiititaliaq nutaamik killigititap unitsinnera pillugu aaliangiissaaq, tassani paasissutissat noqqaassutigineqartut ataatsimiititaliamut tunniunneqarnissai tikillugu.

Nr. 2-mut

Maanna atuuttumi kapitali 6-ip qulequtaa ima allangortinneqassasoq siunnersuutigineqarpoq ”Tamanut ammatitsineq, allagaatinik takunnissinnaaneq aamma inummut paasissutissanik suliarinninneq”. Matumanna tunngavigineqarsimavoq, § 24 a-mi unammilleqatigiinnermut inatsit malillugu suliani misissuinernilu inummut paasissutissanik suliarinnittarneq pillugu paragraffi nutaaq ilanngunneqartoq, tak. siunnersuummi § 1, nr. 5.

Matumanna malitsigineqartumik inatsimmi kapitali 6 allangortinneqassasoq siunnersuutigineqarpoq, taamaasilluni naapertuuttumik allaqqalerniassammata.

Nr. 3-mut

Siunnersuutigineqarpoq, § 24 nutaamik allanneqarlunilu § 24 a-mik ilallugu immikkoortiterneqassasoq, tassani inatsimmi allaqqasut ersarissarlugillu paasiuminarsarnerullugit allaqqalerniassammata.

Maannakkut unammilleqatigiinnermut inatsimmi § 24, imm. 2-5 taamaasilluni nutaamik § 24, imm. 1-4-mik immikkoortinneqassaaq. Nr. 4 ataani allaqqasooq atuaruk.

§ 24-mi allanguutigineqartoq suliffeqarfiit paasissutissanut namminermuinnaq tunngasunut takunnissinnaanerannut tunngavoq.

Siunnersuutigineqarpoq, § 24, imm. 1, 2. pkt.-imi allaqqasooq nutaamik imm. 2 aamma imm. 3-nik allangortinneqassasoq, taamaasilluni inatsimmi ersarissumik, suliffeqarfiit suliani kisimi aalajangiiffigineqarsimasuni imaluunniit aalajangiiffigineqartussani paasissutissanut namminermuinnaq tunngasunut takunnissinnaatitaasut, allaqqalissalluni.

Siunnersuut suliffeqarfiit kisimik paasissutissanut namminermuinnaq tunngasunut takunnissinnaaneratt pillugu imaqarpoq. Suliffeqarfiit imminermut paasissutissanik takunnissinnaatitaaneratt suliffeqarfiup nammineq paasissutissaataannik takunnissinnaatitaanermut imaqarpoq, ima paasillugu, suliffimmut tunngasut, tassani suliffeqarfiup sulisuisa suliffeqarfimmi suliai ilaallutik. Paasissutissanut namminermuinnaq tunngasunut takunnissinnaaneq suliffeqarfiit allat atugaat, teknikikkut atortorissaarutaat, teknikikkut suleriusaat, ingerlatsinermi aamma suliffeqarfiuteqarnermi atukkat imaluunniit paasissutissat isertugaataasut allat, pillugit takunninnissamut pisinnaatitaanerunngilaq.

Suliffeqarfiup paasissutissanut namminermuinnaq tunngasunut takunninnissamut noqqaassuteqarnera kisimi suliffeqarfimmut pineqartumut paasissutissanik, piginneqatigiiffik allamit aqutap (datterselskab) atugai pillugit paasissutissat ilanngunagit, imaqartarpoq. Taamaasiorniaanni paasissutissanut namminermuinnaq tunngasunut takunninnissamut noqqaassuteqartoqassaaq.

Suliffeqarfiup paasissutissanut namminermuinnaq tunngasunut takunnissinnaanerata imarivaa, suliffeqarfik pillugu suliani kisimi aalajangiiffigineqartussani atuutsinneqarmat, taamaasilluni assersuutigalugu nakkutilliinermut misissuinermi suliani aallartinneqartuni suliffeqarfik paasissutissanut namminermuinnaq tunngasunut takunnissinnaatitaanani, suliani pineqartuni aalajangiisoqarneq ajormat. Kisimi misissuilluni suliaq unammilleqatigiinnermut inatsit malillugu aalajangiiffigisassanngorluni isikkoqalerpat, suliaq aalajangiiffigineqartussatut suliassanngortinneqassaaq.

Nr. 4-mut

Inatsimmi § 24, imm. 2-mi atuuttumut sanilliullugu, § 24 a, imm. 1-imi oqaaseqaataasut annikitsumik iluarsineqarsimapput.

§ 24 a, imm. 2-4-nut siunnersuutitut oqaasertaasut Inatsisartut inatsisaanni atuuttumi § 24, imm. 3-5-inut assingupput.

Inatsimmi atuuttumi § 24-mik 2-nngorlugu immikkoortitsineq (§ 24 aamma § 24 a) aalajangersakkanik paasiuminarsaaneruvoq.

Nr. 5-imut

Nutaamik § 24 b-mik siunnersuuteqartoqarpoq, tassani ornigulluni nalunaaruteqarnissamut inatsisinik atuutsitsillutik oqartussat inunnut paasissutissanik suliarinnittarnerat pillugu inatsimmi kapitali 8 naapertorlugu nalunaaruteqartassanngitsoq (inatsit nr. 429, 31. maaji 2000-meersoq, Kalaallit Nunaannut peqqussut nr. 1238, 14. oktobari 2016-imeersoq, peqqussut nr. 898, 26. juuni 2023-meersumi allanngortinneqartoq), tassani unammilleqatigiinnermut inatsit malillugu suliani misissuineruiluunniit inummut paasissutissanik nalunaarsugaateqartoqarpat.

Aamma siunnersuutigineqarpoq, inunnut paasissutissanik suliarinnittarnerat pillugu inatsimmi kapitali 9 naapertorlugu inuit nalunaarsoqqasut suliami misissuineruilu unammilleqatigiinnermut inatsit naapertorlugu paasissutissanik takunnissinnaatitaanngitsut.

Siunnersuutitut aalajangersakkap imarivaa, unammilleqatigiinnermut inatsit malillugu suliani misissuineruilu nalunaaruteqarnissamut imaluunniit inummut paasissutissanik suliaqartarnermut takunnissinnaatitaasoqanngitsoq. Taamaattumik inunnik paasissutissanik suliarinnittarnermut inatsimmi kapitali 8-mi 9-milu atuutsitsinnginnermut aalajangersakkat pioreersut malillugit inummut paasissutissanik suliaqarnissamut nalunaarutip ilaatinneqassannginnera pillugu, imaluunniit takunninnissamut noqqaassutit itigartinneqarsinnaaneri pillugit suliamiit suliamut nalilersuisoqassanngilaq.

Aammalu imarineqarpoq, inunnt paasissutissanik suliarinnittarnerat pillugu inatsisimmi kapitali 9 naapertorlugu suliani paasissutissanik takunnissinnaatitaasoqanngitsoq, tassani unammilleqatigiinnermut inatsit malillugu suliani misissuinernilu paasissutissanik takunnissinnaatitaaneq eqqarsaatigalugu.

Tamanna assersuutigalugu inummut paasissutissat suliffeqarfiup sullitaatut nalunaarsoqqasut, imaluunniit suliffeqarfiup iluani mailit Atuisartoqarnermut Unammilleqatigiinnermullu Aqutsisoqarfiup suliffeqarfik pillugu suliamik suliarinnerani, sullitap paasissutissaatai imaluunniit suliffeqarfiup iluani mailit suliameqqaaneqartut nalunaarutigineqassanngillat.

Siunnersuutip suliffeqarfiit Atuisartoqarnermut Unammilleqatigiinnermullu Aqutsisoqarfiup sulianik suliarinnittarnerani paasissutissiinissaanut takunnissinnaatitaanerannullu attuumassuteqanngilaq.

Nr. 6-imut

Siunnersuutigineqarpoq, Unammilleqatigiinnermut Ataatsimiititaliami siulittaasoq ilaasortallu maannamut ukiut sisamakkaarlugit taaneqartartut. Ukiut sisamat qaangiunneranni nutaamik ataatsimiititaliamik taasisoqarsimannikkaangat, ataatsimiititaliaq, nutaamik ataatsimiititaliamik taasisoqarnissaata tungaanut, ingerlaannarsinnaasoq.

Nr. 7-mut

Aalajangersakkap allanngortinneqarnissaa siunnersuutigineqarpoq, taamaasilluni atuisartut kattuffiinit inassuteqaateqartarnek atorunnaarluni. Allannguummi pequtigineqarpoq, innersuussisinnaasunik atuisartut kaffeqannginnerat. Taamaattumik atuisartut kattuffiinit innersuussinissamut piunnaasaatip atorunnaartinneqarnissaa nalilerneqarpoq. Inuussutissarsiortunit kommuniniillu innersuussilluni taasisarnerit ingerlatiinnarlugit atuutsinneqassapput, tassani kommunimiit ilaasortassatut innersuunneqartup pisortanit inuussutissarsiutilittut suliffeqarfiata paasissutissanik takunnissinnaatitaaneranut piunnaasaat ilaalluni.

Nr. 8-mut

Aammattaaq siunnersuutigineqarpoq, aalajangersakkami nutaamik immikkoortumik ilanngussisoqarsimasoq, tassani Naalakkersuisut atuisartut atugaannik ilisimasalimmik ataatsimik taasisassasoq, atuisartut kattuffiinit innersuussisussaataaneq atorunnaareeraluartoq, atuisartut soqutigisaat ataatsimiititaliaq kattunneqarnerani suliarineqartassasoq qulakkeerneqarluni. Siunertaavoq, Naalakkersuisut taasinermi atuisartut atugaat pillugit misilittakkat ilisimasallu attuumassuteqartut, assersuutigalugu atuisartunik illersuinermi paasissutissanik takunnissinnaatitaaneq, atuisartut iliuuserisartagaat immikkoortumiluunniit iluarsinerat, tunngavigalugit taasisassasut.

Siunnersuutigineqarpoq, Naalakkersuisut ilaasortassaq taassagaat, allatseqarfillu taasereernerup kingorna qaammatit pingasut qaangiutsinnagit nuna tamakkerlugu tusagassiuutitigut aamma Atuisartoqarnermullu Unammilleqatigiinnermullu Aqutsisoqarfiup nittartagaatigut taasinissaq pillugu atuisartut atugaannik ilisimasalimmik ataatsimiititaliamut qinnuteqartoqarsinnaasoq pillugu nalunaaruteqassasoq.

Iliuserisartagassap qinnuteqartussat piginnaasallit sapinngisamik amerlasuut qinnuteqarnissaannut periarfissiisaaq, qinnuteqarfillu sapinngisamik ammasuulluni innuttaasunik peqataatitsisumik ingerlanneqassalluni.

Nr. 9-mut

Unammilleqatigiinnermut Ataatsimiititaliap taasinermi maleruagassai siornatigut Unammilleqatigiinnermut Ataatsimiititaliap suleriaasissaa taassumalu suliassai pillugit Namminersorlutik Oqartussat nalunaarutaat nr. 12, 23. juuli 2015-imeersoq atorunnaarnikumi takuneqarsinnaasimagaluarput.

Taasinissamut maleruagassat Unammilleqatigiinnermut Ataatsimiititaliap suliassai pillugit Namminersorlutik Oqartussat nalunaarutaat nr. 8, 3. februaari 2025-meersumi takuneqarsinnaanngillat.

Taasinermi maleruagassat unammilleqatigiinnermut inatsimmi allaqqalissasut siunnersuutigineqarpoq.

Siunnersuutip § 27 a, imm. 2 aamma imm. 3-mi taasititsinermi maleruagassai Unammilleqatigiinnermut ataatsimiititaliap allakkatigut taasititsinerani aamma Unammilleqatigiinnermut ataatsimiititaliap ataatsimiinnerini taasinermi atorneqartassapput.

Nr. 10-mut

§ 30, imm. 1-imut

Siunnersuummi § 30, imm. 1 naapertorlugu Unammilleqatigiinnermut Ataatsimiititaliaq aamma Atuisartoqarnermut Unammilleqatigiinnermullu Aqutsisoqarfik, unammilleqatigiinnermut inatsit malillugu pisinnaatitsissuteqarnikkut, suliaminnik suliaqarnissaminnut paasissutissanik noqqaassuteqarsinnaapput, kiisalu inatsisartut inatsisaanni aalajangersakkani atukkanut tunngasut ilaatinneqartut pillugit nalilersuinissaminnut atugassaminnik noqqaassuteqarsinnaallutik.

Atuisartoqarnermut Unammilleqatigiinnermullu Aqutsisoqarfik Unammilleqatigiinnermut Ataatsimiititaliamut allatseqarfiummat, aqutsisoqarfik, ataatsimiititaliaq sinnerlugu, paasissutissanik noqqaassuteqartassaaq, tak. § 26, imm. 2.

Unammilleqatigiinnermut pisortaqarfiit namminneq suut paasissutissat suliaminnik suliarinninnissamut pisariaqartinneqarnersut nalilissavaat. Naliliineq sulianik ingerlatsinissamut inatsisini tunngavilersuutitut nalilersuutinullu maleruagassanut naapertuutissaaq.

Unammilleqatigiinnermut inatsit malillugu pisortaqarfiit aalajangersagaq naapertorlugu sulianut atugassanik kisimi noqqaasoqarsinnaavoq. Ima paasillugu, suliassat inatsit una tunngavigalugu suliarineqartussat suliarineqarsinnaasullu, assersuutigalugu akuerisaanermut nakkutilliineq, tak. § 26, imm. 1 aamma 2, niuerfimmik misissuineq, tak. Siunnersuummi §§ 30 a. – 30 e., imaluunniit immikkoortoqarfinnik misissuinerit, tak. Siunnersuummi § 30 f.

Pisortaqarfiit paasissutissat noqqaassutigisinnaasaat, pineqartup paasissutissat kisimik noqqaassutigisinnaasani piumasarisinnaavai. Apeqqutaanngilaq pineqartup paasissutissat pigippagit, imaluunniit allanut isertuunneqarnissaannik isumaqatigiissuteqarsimaguni.

Assersuutigalugu paasissutissat, ‘cloud’imi toqoqqasinnaapput, imaluunniit serverimiillutik aaneqaqqartussaallutik. Tassunga atatillugu apeqqutaanngilaq serveri Kalaallit Nunaanniikkuni Kalaallit Nunaataluunniit avataaniikkuni, pingaarneruvoq paasissutissat paasissutissanik piumasaaqammik piginnittumit noqqaassutigineqarsinnaasut.

Assersuutigalugu IT-mik siunnersuisarfittut suliffeqarfiutilik nittartakkakkut nioqquteqartoq, imaluunniit suliffeqarfiup allap sulianik toqqorsiveqartoq, elektronikkikkullu toqqorsivinniit paasissutissanik tunniussinissaminut pisussaaffilerneqartoq.

Tunngaveqartumik unioqqutitsilluni iliuitsimut pasitsaassigaanni, taannalu pinerluttulerinermi inatsit malillugu pineqaatissinneqarsinnaalluni, aalajangersagaq naapertorlugu pasitsaanneqartumut paasissutissanik allanik noqqaassuteqarnissamut piumasaaqateqartoqarsinnaanngilaq.

Pasitsaanneqartoq suleqataarusulluni nammineq kajumissutsiminik susoqarsimanera pillugu nassuiaateqarusuppat, tamanna politiiunat nalunaarutigineqassaaq, tassanngaanniillu Kalaallit Nunaanni eqqartuussisarnermik inatsimmi maleruagassat malillugit misissuineq ingerlanneqassalluni. Tamanna Inuttut piginnaatitaaffiit pillugit Europami naalagaaffiit isumaqatigiissutaat pillugu inatsimmi pineqaatissinneqartoq imminut iluaqutaasussaannngitsunik paasissutissanik tunniussaqaarnissaminut pisussaaffeqanngitsoq tunngavilerneqarsimavoq, tassani kinaluunniit inatsisitigut paasissutissanik ingerlatitseqqiinissamut pisussaaffeqarneranik illersorneqarmat, taamaasilluni pineqartoq pinerluttulerinermi inatsit malillugu pineqaatiissinneqarsinnaalluni.

§ 30, imm. 2-mut.

§ 30, imm. 2 naapertorlugu, maannamut ilaatigut aningaasaqarnermut saqqummiussat, paasissutissat, atuakkat assilineri, suliffeqarfiup paasissutissaatai allat elektronikkikkullu paasissutissanik toqqorsiviit noqqaassutigineqarsinnaapput. Paasissutissat tamanit takuneqarsinnaasut pineqarput, tamakkualu noqqaassutigisariaqarsinnaapput, pingaarnerpaanatilli. Paasissutissat tamarmik noqqaassutigineqarsinnaapput, tassani pisorta qarfiup suliamik suliarinninneranut attuumassuteqassappata.

§ 30, imm. 3-mut

§ 30, imm. 3 naapertorlugu, kina paasissutissanik tunniussinissaminut pisussaaffeqarnersoq inissinneqarpoq.

§ 30-mut atuuttumut oqaaseqaatit aalajangersakkamiittuni, tamanut ammasumik, suliffeqarfiit namminersortut, suliffeqarfiit kattunnikut, pisorta qarfiillu paasissutissanik noqqaassuteqarfigineqarsinnaasut.

Siunnersuummi aalajangersakkap sunniutissarissavaa, suliffeqarfiit, suliffeqarfiit kattunnikut pisorta qarfiillu kinaluunniit inatsisileritooq imaluunniit suliami pineqartoq paasissutissiisussaatitaalisamat.

Inummik orniguttussamik imaluunniit suliffeqarfimmi atorfilimmik suliami sinniisoqarnissaq piunasaqaataassanngilaq. Nalilersuinerit naleqqiuttut inernerissavaat, unammilleqatigiinnermut pisorta qarfiit inunniit paasissutissanik noqqaassuteqarnissaat akulikitsumik tunuarsimaarnerusariaqaraluartoq, ingammik inuit pineqartut pisortat akornanni aqutsisutut inissisimangippat imaluunniit kisimiilluni namminersortuaraaguni, aamma attuumassuteqassagaluarpalluunniit tunuarsimaarutigineqassaaq.

Siunnersuummi § 1, nr. 14 (§ 37) malillugu piginnaatitaasoq, paasissutissanik tunniussisimangippat imaluunniit eqqunngitsunik tunniussisimappat, paasissutissat eqqortut tunniunnissaanut pinngitsaaliissummik akileeqqusissummik pisussaaffilerneqassaaq, pinngitsaaliissummik akileeqqusissutit suliffeqarfinnut, suliffeqarfiit kattunnikut inatsisilerituumulluunniit, kiisalu kinaluunniit paasissutissanik noqqaassutigineqartunik tunniussaqaarsimangitsoq pinngitsaalisaasumik akileeqqusissummik tunineqassaaq.

Noqqaassuteqartunut eqqunngitsunik, naammaginangitsunik imaluunniit paatsiveerussutaasinnaasunik paasissutissanik tunniussisaraanni, pineqartoq akileeqqusummik akiligassinneqassaaq, tak. Siunnersuummi § 1, nr. 17 (§ 38, imm. 1, nr. 14).

Paasissutissat pineqartut, suliffeqarfik sinnerlugu, inummit ornigulluni tunniunneqarsimappata, taava suliffeqarfik, inuk tunniussisoq pinnagu, paasissutissanik eqqunngitsunik il.il. tunniussisimaneranut akileeqqussummik tunineqassaaq. Inuk namminersortoq, suliffeqarfimmut sinniisaananilu atorfeqanngitsoq, paasissutissanik eqqunngitsunik il.il. tunniussisimaneranut akileeqqussummik tunineqarsinnaassaaq.

§ 30, imm. 4-mut

§ 30, imm. 4-mi Atuisartoqarnermut Unammilleqatigiinnermullu Aqutsisoqarfiup paasissutissat noqqaassutigisami tigusimanissaanut killigititap naammaginaruunissaa pillugu piumasaaqatit siunnersuut allaffissornikkut ingerlatsinermi atuuttumi inatsisitigut tunngavissangussaaq. Killigititaq qaangerneqarpat, akileeqqussutit atorneqarsinnaapput, tak. § 37, imm. 1, nr. 1, imaluunniit akileeqqussummik pineqaatigissinneqarsinnaavoq, tak. § 38, imm. 1, nr. 13.

Unammilleqatigiinnermut Ataatsimiititaliap suliaqarneranut atugassanik paasissutissanik aallertoqartillugu, Atuisartoqarnermut Unammilleqatigiinnermullu Aqutsisoqarfik ataatsimiititaliamit allattoqarfiusoq taakkunannga aallertuussaaq, tak. Inatsisartut inatsisaanni pineqartumi § 26, imm. 2. Taamaattumik pisuni taamaattuni Atuisartoqarnermut Unammilleqatigiinnermullu Aqutsisoqarfik aamma piffissamik killigititamik inissiisarpoq.

§ 30, imm. 5-imut

§ 30, imm. 5-imi aalajangersakkatut siunnersuut, maannakkut atuuttumi § 30, imm. 3 assigalugu allanneqarsimavoq, tassunga atatillugu allannguisoqassanani.

Aalajangersakkap Atuisartoqarnermut Unammilleqatigiinnermullu Aqutsisoqarfik nunani avannarlerni unammilleqatigiinnermut pisortaqarfiit allat sinnerlugit, nunatsinni unammilleqatigiinnermut maleruagassat atuutsinneqalernerani, paasissutissanik noqqaassuteqarsinnaanerannut tunngavissaqalerpoq.

Nr. 1-imut

Siunnersuutigineqarpoq, § 30 a-f-tut niuerfimmik misissuineq aamma immikkoortoqarfinnik misissuinerit pillugit aalajangersakkat nutaat ilanngunneqassasut.

Siunnersuut, Atuisartoqarnermut Unammilleqatigiinnermullu Aqutsisoqarfik, unammilleqatigiinnermut inatsimmik unioqqutitsinngikkaluarluni, iliuutsinik periutsinilluunniit unammilleqatigiinnermut innarliisoqarnersoq pillugu niuerfimmik misissuinissaminut aallartitsissasoq pillugu imaqarpoq. Niuerfimmik misissuinermik aallartinneq Unammilleqatigiinnermut Ataatsimiititaliamit aalajangerneqarluni aallartinneqassaaq. Taamaasilluni Unammilleqatigiinnermut Ataatsimiititaliap niuerfimmik

misissuinissamut ilisimasai qanorlu misissuinissap imartutiginissaanik inissiinermik aaliangiinissamut peqataatinneqarnissai qulakkeerneqassaaq.

Paasineqarpat, iliuitsitigut periutsikkullu unammilleqatigiinnermut innarliisoqartoq, Atuisartoqarnermut Unammilleqatigiinnermullu Aqutsisoqarfik, inuussutissarsiortumi/-ni unammilleqatigiinnermut iluarsiinissamut ikiorsiissutissamik iliuuserisassatut, peqqussuteqarsinnaavoq.

Suliffeqarfiup iliuuserisartagaanik iluarsineq kisimi pineqarpoq.

Atuisartoqarnermut Unammilleqatigiinnermullu Aqutsisoqarfiup uppersarsassavaa, unammilleqatigiinnermut innarliineq ersarissuusoq ajoqusiinerillu ima annertutigisut, Atuisartoqarnermut Unammilleqatigiinnermullu Aqutsisoqarfiup nalilerlugu, inatsisitigut tunngavilimmik iliuitsitigut peqqussuteqarluni akuleruffiusariaqartoq. Aammattaaq unammilleqatigiinnermut ikiorsiissuteqarneq unammilleqatigiinnermullu atukkanut siuarsaneq pillugu peqqussuteqarnissaq pisariaqartoq, naleqquttoq naapertuuttorlu uppersarsarneqarsinnaassaaq.

Niuerfimmik misissuineri inerniliunneqarsinnaavoq, suliffeqarfik imaluunniit inatsileritooq peqqussummik tunineqartoq, tak. § 30 b, imm. 1-imut siunnersuut. Niuerfimmik misissuinerup aamma inernerisinnaavaa, aqutsisoqarfik suliffeqarfimmut neriorsuummik pituttuisumik tunniusaqartoq.

Unammilleqatigiinnermut Inatsimmik unioqqutitsineq pillugu aalajangiineq pineqarani, taamaasiornikkut suliffeqarfiup iliuuserisartakkaminut, peqqussummut pineqartumut, kingunerititaasinnaanani.

Suliffeqarfiup iliuuserisassatut peqqussut naammassisimangippagu imaluunniit neriorsuut pituttuisoq naammassisimanagu, naammassinissimanginnermut kinguneqartitsisoqarsinnaassaaq.

§ 30 a, imm. 1-imut

§ 30 a, imm. 1-imi aalajangersagaq siunnersuutigineqartumi, Atuisartoqarnermut Unammilleqatigiinnermullu Aqutsisoqarfik, Unammilleqatigiinnermut Ataatsimiititaliamit inuussutissarsiuteqartumik/-nik iliuitsitigut periusaannillu niuerfimmik misissuinissamut aalajangiissuteqarnikkut, misissuisinnaalissaaq, tassani Unammilleqatigiinnermut Ataatsimiititaliaq inuussutissarsiuteqartumi/-ni unammilleqatigiinnermut innarliisoqartoq pillugu ersiutinik paasisaqarsimaguni.

Unammilleqatigiinnermut Ataatsimiititaliaq qaqugukkut niuerfimmik misissuisoqassanersoq pillugu tunngavissaminik annertuumik nalilersuinissaminut periarfissaqassaaq.

Aalajangersagaq Atuisartoqarnermut Unammilleqatigiinnermullu Aqutsisoqarfiup inatsisunik unioqqutitsinermi neriorsuutunik pituttuisunik imaluunniit peqqussuteqarnermi periarfissaanik tapersiissaaq.

Atuisartoqarnermut Unammilleqatigiinnermullu Aqutsisoqarfik unammilleqatigiinnermi innarliisumik iliuutsinik periutsinillu ajornartorsiuteqarnermoq nalilersuissaaq, tamannalu unammilleqatigiinnermut inatsimmi akulerulluni iliuusissatut atorneqarsinnaareersunut aaqiissutissat pitsaanerpaat atorlugit, unammilleqatigiinnermut inatsimmi § 2, imm. 4 naapertorlugu tunngaveqarluni oqaasertaliissaaq, imaluunniit aalajangersagaq siunnersuutigineqartoq malillugu niuerfimmik misissuineramik ingerlassilluni.

§ 30 a, imm. 2-mut

Imm. 2-mi siunnersuutigineqartumi Atuisartoqarnermut Unammilleqatigiinnermullu Aqutsisoqarfik, Unammilleqatigiinnermut Ataatsimiititaliaq imm. 1-imut siunnersuut malillugu aalajangiitinnagu, aqutsisoqarfiup niuerfimmik misissuinissamut aallartinnginnermini niuerfimmik misissuinissaaq pillugu aallartinissamik aaliangiinissaaq pillugu tamanut tusarniaasassaaq. Tusarniaanermi soqutiginnittut tamakkerlugit unammilleqatigiinnermi atukkat pillugit nalilersuinissamut tusarniaanermi akissuteqarnissaanik periarfissiisoqassaaq, assersuutigalugu niuerfimmik misissuinermi suut attuumassuteqartut eqqumaffigineqassanersut akissutigineqarsinnaalluni.

Aaliangernissamut akuerisassatut tusarniaaneq nalinginnaasumik sisamanik immikkoortortaqassaaq; 1) inuussutissartoq/-tut niuerfimmik misissuiffigineqartussaaq/-ssat, 2) suliffeqarfiit pisorta qarfiillu, Atuisartoqarnermut Unammilleqatigiinnermullu Aqutsisoqarfiup ilisimariigaattut, attuumassuteqartut, 3) periutsit iliuutsillu aqutsisoqarfiup niuerfimmik misissuinermini pilersaarutai, aamma 4) baggrunden for, at styrelsen overvejer at indlede markedsefterforskningen.

Niuerfimmik misissuinissamut aaliangernissamut eqqarsaateqarnermi tamanut tusarniaaneq Atuisartoqarnermut Unammilleqatigiinnermullu Aqutsisoqarfiup nittartagaatigut saqqummiunneqarsinnaavoq. Matuma saniatigut aqutsisoqarfik toqqaannartumik suliffeqarfinnut pisorta qarfinnullu attuumassuteqartunut saaffiginnissaaq, oqaaseqaatinillu killigititalikkamik tunniussinissaannik kaammattuilluni. Killigititaq suliama pisut tunngavigalugit sivilissuserneqassaaq, nalinginnaasumilli sapaatit akunneri pingasunit sisamanut sivilissuseqartarluni.

§ 30 a, imm. 3-mut

Siunnersuummi imm. 3-p imarissavaa, Unammilleqatigiinnermut Ataatsimiititaliaq imm. 1 naapertorlugu aaliangiippat, Atuisartoqarnermut Unammilleqatigiinnermullu Aqutsisoqarfik niuerfimmik misissuissasoq, aqutsisoqarfik niuerfimmik misissuisoqarnissaa pillugu, matumani suut misissorneqassanersut pillugu ingerlariusissanut misissugassanullu paasissutissanik il.il. imalimmik tamanut saqqummiissaaq. Tamanut saqqummiineq Atuisartoqarnermut Unammilleqatigiinnermullu Aqutsisoqarfiup nittartagaatigut pissasoq naatsorsuutigineqarpoq.

§ 30 b, imm. 1-imut

Imm. 1-imi siunnersuutigineqarpoq, Atuisartoqarnermut Unammilleqatigiinnermullu Aqutsisoqarfik niuerfimmik misissuinerminut atatillugu iliuusissatut peqqussuteqarsinnaasoq.

Peqqussuteqartoqassaaq, tassani suliffeqarfimmi ataatsimik arlalinnilluunniit iliuutsikkut unammilleqatigiinnermut innarliisoqarpat, akulerunnissarlu pisariaqalersimappat.

Peqqussummut siunertaavoq, innarliinnermut ikiorsiinissaq immikkoortortanilu pineqartuni unammilleqatigiinnermi atukkanik siuarsaanissaq, unammilleqatigiinnermut inatsimmi § 28, imm. 1-4-ni assersuutit assigalugit.

Suliaqarfimmi suliffeqarfinnut peqqussutit suliaqarfimmi pineqartumi inatsisiliornikkut suliniutimik naleqquttumik malitseqartarnissai naleqqutikulasinnaavoq, taamaasilluni suliaqarfimmi maannakkorpiaq siunissamilu sulisitsisunut tamanut inatsisit killiliussatullu piumasaqaatit atuunniassammata. Taamaattorli tamanna politikikkut apeqqutaavoq, nalinginnaasumik inatsimmik suliassaqarfimmi oqartussaasuusut naleqquttut ilanngunneqarnerisigut pisuni ataasiakkaani aalajangiissuteqarfigisassaasoq.

§ 30 b, imm. 2-mut

Peqqussut suliffeqarfimmut, suliffeqarfinnut kattunikunut imaluunniit inatsisilerituumut peqqussutigineqarsinnaavoq.

Ersarissumik innarliinnermut piumasaqaat aamma iliuutsit periutsilluunniit ajoqutai, ima annertutigissapput, iliuusissatut peqqussuteqarluni akulerunnissamut tunngavigineqarsinnaassallutik. Assersuutigalugu nassuiagassaannngitsumik suliffeqarfimmi akit iluanaarutillu qaffasippallaartut, tassani Kalaallit Nunaanni unammilleqatigiinneq eqqarsaatigalugu suliffeqarfiup ingerlatsinermi aningaasartuutaanut il.il. naatsorsuutigineqarsinnaanngitsoq.

Unammilleqatigiinnermut Ataatsimiititaliap unammilleqatigiinnermut ajornartorsiutinut akulerunnissamut periarfissai taamaasilluni killeqarpoq, taakkunani unammilleqatigiinnermut pitsaanngitsumik annikitsumik kisimi sunniuteqarsimappat, akuleruttoqarnissaa

periarfissaanngimmat. Taamaattumik aamma ersarissuunissamik piunasaqaammi, Unammilleqatigiinnermut Ataatsimiititaliaq tunngavilimmik iliuusissatut peqqussuteqarsinnaavoq, tassani qanoq unammilleqatigiinnermut innarliineq ersarinnersoq.

Tassunga atatillugu ersarissarneqarpoq, iliuutsinut peqqussutit kisimik pineqartut.

Atuisartoqarnermut Unammilleqatigiinnermullu Aqutsisoqarfiup aamma nalilersussavaa, peqqussuteqarnerup unammilleqatigiinnermi innarliisumut ikiorsiissutaassasoq unammilleqatigiinnermullu atukkanut siuarsaaqataalluni.

§ 30 b, imm. 3-imut

Tassani siunnersuutigineqarpoq, peqqussut piffissami aaliangersimasumi imaluunniit piffissaligaanngitsumik atuutsinneqartassasoq.

§ 30 b, imm. 4-mut

Atuisartoqarnermut Unammilleqatigiinnermullu Aqutsisoqarfik peqqussuteqartinnani niuerfiit pisorta qarfiillu attuumassuteqartut peqqussutigerusutani pillugu tusarniaaffinneqqaassasoq, taamaasilluni Atuisartoqarnermut Unammilleqatigiinnermullu Aqutsisoqarfiup peqqussuteqarnermini immikkoortortat niuerfinni peqataasut sammineqartumi atukkat aamma peqqussuteqarnerup unammilleqatigiinnermut ajornartorsiutinik iluarsiiisutaassanersoq, kiisalu killormuuanik pisumik eqqarsaateqartoqarnersoq pillugit tusarniaaffigeqqaassavai.

§ 30 b, imm. 5-imut

Imm. 5-imi siunnersuutigineqarpoq, peqqussut unammilleqatigiinnermut isumannaarisumik naammaginaruussaaq, pisariaqarlunilu naleqquttuulluni. Peqqussutit marluk sunniuteqarluartussat pillugit peqqussuteqarniinnermi, Atuisartoqarnermut Unammilleqatigiinnermullu Aqutsisoqarfik naammaginaruunissaanut naapertuuttumik, illua-tungeriinnullu annikinnerpaamik iliuuserineqarsinnaasumik peqqussuteqassaaq.

Suliffeqarfimmut naammaginantumik peqqussuteqarnissaq, suliffeqarfiit kattuttunut imaluunniit inatsisilerituumut peqqussuteqarnissaq pillugu nalilersuinnermi, iliuutsini periutsinilu, atuisunut imaluunniit suliffeqarfinnut allanut iluaqutaasumik, ersarissumik unammilleqatigiinnermut innarliisoqarnersoq, tassani unammilleqatigiinnermut ajornartorsiutinik oqimaaqatigiisitsisumik apeqqutaassaaq. Taamaasisoqartillugu naammaginantumik nalilersuisoqassaaq (proportionalitetsvurdering).

30 c, imm. 1-imut

§ 30 c, imm. 1-imi siunnersuutigineqarpoq, Atuisartoqarnermut Unammilleqatigiinnermullu Aqutsisoqarfiup nalilissagaa, inuussutissarsiuteqartuni iliuutsitsigut periutsitigulluunniit inuussutissarsiutigisaanni pineqartumi unammilleqatigiinnermut innarliisoqarpat,

aqutsisoqarfik suliffeqarfiit pisortaqaarfiillu attuumassuteqartut tusarniaaffigeriarlugit suliffeqarfimmut, suliffeqarfiit kattunnikunut imaluunniit inatsisilerituumut neriorsuummik pituttuisumik aalajangiisinnaasoq, tassani aqutsisoqarfiup nalilerpagu, neriorsuutit immikkoortortami pineqartumi unammilleqatigiinnermut innarliinnermut aamma atukkanut pitsanngorsaataassasut.

Neriorsuutininik, imm. 1 malillugu pituttuinnermi, naammassinninnissamut nakkutilliinissamut atatillugu Atuisartoqarnermut Unammilleqatigiinnermullu Aqutsisoqarfik pisumi nakkutilliisuusaaq.

Suliffeqarfik, suliffeqarfiit kattunnikut imaluunniit inatsisileritooq suliap ingerlanerani qaqugukkulluunniit neriorsuuteqarnissamut neqerooruteqarsinnaavoq, aamma suliap aallartinnerani. Atuisartoqarnermut Unammilleqatigiinnermullu Aqutsisoqarfiup suliami nalilersuinini suli naammassinngikkaa, suliffeqarfik il.il. neriorsuuteqarnissamut neqerooruteqaruni, neriorsuutininik aaqqiissutaasinnaasunut piumasaqaatit aqutsisoqarfimmit unammilleqatigiinnerup innarlerneqarneranik ersarissumik ersiuteqartoq pillugu uppersarsimappassuk, tassani suliffeqarfik siunnersuummi § 30 b, imm. 1 malillugu peqqussuteqarfingeqassaaq.

Siunnersuutip kingorna suliffeqarfimmut il.il. neriorsuuteqareersimasut pituttuisumik neriorsuuteqartalermissaat, Atuisartoqarnermut Unammilleqatigiinnermullu Aqutsisoqarfimmit inuussutissarsiuteqartuni iliuutsitsigut periutsitigulluunniit inuussutissarsiutigisaanni pineqartumi unammilleqatigiinnermut innarliisoqartoq nalilerneqaruni, kiisalu aqutsisoqarfiup nalilerpagu, neriorsuutit innarliinnermut pitsanngorsaataallutillu unammilleqatigiinnermi atukkanik siuarsaaqataassasut, neriorsuut pituttuisunngortinneqassaaq.

§ 30 c, imm. 2-mut

Atuisartoqarnermut Unammilleqatigiinnermullu Aqutsisoqarfiup niuerfimmi peqataasunut pisortaqaarfinnullu neriorsuummik pituttuisumik aalajangiussaqaartigani tusarniaaffigeqqaartassagai siunersuutigineqarpoq. Matuma saniatigut, § 30 b, imm. 4-mi siunnersuut assigalugu, siunnersuutigineqarpoq, aqutsisoqarfiup pisortaqaarfiit attuumassuteqartut aalajangiitinnani tusarniaaffigeqqaassagai. § 30 b, imm. 4-p ataani siunnersuutigineqartumut oqaaseqaatit innersuussutigineqarput.

§ 30 c, imm. 3-mut

Aalajangiussaq piffissami aaliangersimasumi imaluunniit piffissami killiussaangitsumi atuutsinneqassaaq, peqqussuteqarnerullu kingorna siunnersuummi § 30 b, imm. 1 malillugu aqutsisoqarfik peqqussuteqarnissaminut tunngavissaqarunnaartoq pillugu inissiissaaq.

Siunnersuutigineqarpoq, § 29, imm. 2-3, aalajangersakkami siunnersuutigineqartoq malillugu neriorsuutininut pituttuisunnigortitassanut assingusumik atorneqartassasoq. Tamanna isumaqarpoq, Atuisartoqarnermut Unammilleqatigiinnermullu Aqutsisoqarfik neriorsuutip piffissaq eqqorlugu aamma eqqortumik naammassineqarnissaanut pisariaqartumik peqqussuteqarsinnaavoq, kiisalu aalajangiussaq pisuni aaliangersimasuni utertinneqarsinnaalluni.

§ 30 d, imm. 1-imut

Siunnersuutigineqarpoq, Atuisartoqarnermut Unammilleqatigiinnermullu Aqutsisoqarfik, aqutsisoqarfiup § 30 b, imm. 1 malillugu peqqussuteqarnerani imaluunniit § 30 c, imm. 1 malillugu neriorsuummik pituttuisumik aalajangiussaqarnerani, suliffeqarfimmut, suliffiit kattunnikunut imaluunniit inatsisilerituumut, suliami ilaasunut, ilisimatitsiinissaminut pisussaaffeqartoq.

§ 30 d, imm. 2-mut

Aqutsisoqarfiup aalajangiussaq tamanut saqqummiunneqassasoq pillugu aaliangiiguni, aqutsisoqarfik saqqummiinissaminut pisussaaffeqassanngitsoq siunnersuutigineqarpoq. Tassunga atatillugu siunnersuutigineqarpoq, unammilleqatigiinnermut inatsimmi § 24 a, imm. 3, tamanut saqqummiussinermi nakkutigilluarneqassasoq. Tamanna isumaqarpoq, tamanut saqqummiussinermi paasissutissat isertuunneqartut, assersuutigalugu teknikkikkut atukkat, misissuinerit, nioqqusiornermi immikkoortoqarfiit, nioqqutit kiisalu ingerlatsinermi suleriutsimilu isertugaatit pillugit paasissutissat tamanut saqqummiunneqassanngitsut, tassani paasissutissat pineqartut pineqartup suliffeqarfiulluunniit aningaasaqarneranut annertuumik sunnuteqarpata. Aammattaaq tamanna isumaqarpoq, suliffeqarfimmi sullitat ataasiakkaat atugai pillugit paasissutissat, Aningaasaqarnermut Nakkutilliisunit nakkutigineqartut, tamanut saqqummiunneqassanngitsut.

§ 30 d, imm. 3-mut

Siunnersuummi § 30 d, imm. 3-mi siunnersuutigineqarpoq, Atuisartoqarnermut Unammilleqatigiinnermullu Aqutsisoqarfik § 30 d, imm. 1 malillugu peqqussummik aalajangiitinnani imaluunniit § 30 c, imm. 1 malillugu neriorsuummik pituttuisumik aalajangiitinnani pineqartunut tusarniaaqaassasoq.

§ 30 d, imm. 4-mut

Tusarniaaneq sapaatit akunnernik arfinilinnik sivilissusilerneqassaaq.

§ 30 d, imm. 5-imut

Sulianik suliarinnitarneq pillugu inatsimmi tusarniaanermut killigititaq sapaatit akunnernik pingasunik sivilissuseqarpoq.

Suliaq Unammilleqatigiinnermut Ataatsimiititaliamut suliassanngortinneqareersimaguni, killigitaq sapaatit akunnernik pingasunit sivikinnerusumik inissinneqarsinnaavoq.

§ 30 e, imm. 1-imut

§ 30 e, imm. 1 malillugu siunnersuutigineqarpoq, Atuisartoqarnermut

Unammilleqatigiinnermullu Aqutsisoqarfik, Atuisartoqarnermut Unammilleqatigiinnermullu Aqutsisoqarfiup niuerfimmik misissuisinnaasoq Unammilleqatigiinnermut Ataatsimiititaliamit aalajangiissuteqarfigineqareernerata kingorna, ukiut marluk qaangiutsinnagit tamanut saqqummiussisinnaasoq, tassani siunnersuummi § 30 b, imm. 1 malillugu peqqussummik aalangiissanerluni imaluunniit siunnersuummi § 30 c, imm. 1 malillugu, neriorsuummik pituttuisumik aalajangiissanerluni imaluunniit niuerfimmik misissuineq naammassineqartoq pillugu tamanut saqqummiussissanerluni.

Niuerfimmik misissuinermi peqqussuteqarani imaluunniit neriorsuummik aalajangiinnikkaluarluni, aqutsisoqarfik misissuinermi aaliangersimasoq pillugu imaluunniit aqutsisoqarfiup misissuiner tamakkerlugu tamanut saqqummiussinnaavaa.

Atuisartoqarnermut Unammilleqatigiinnermullu Aqutsisoqarfik misissuinermi killigittinneqartumi ukiut marluk qaangiutsinnagit niuerfimmik misissuinerminik unitsitsisinnaavoq, tassani iliuutsitigut peqqussuteqarluni imaluunniit neriorsuummik pituttuisumik aalajangiinissamut tunngavissaqanngippat.

Niuerfimmik misissuinermi, Atuisartoqarnermut Unammilleqatigiinnermullu Aqutsisoqarfiup suliffeqarfik imaluunniit suliffeqarfiit il.il. suliameq qataasut pillugit sulianik suliaqarnissaminut aallartiinissaminulluunniit, peqataasut pillugit misissuinerup saniatigut sulianik aallartiisinnaallunilu suliaqarsinnaavoq.

Atuisartoqarnermut Unammilleqatigiinnermullu Aqutsisoqarfik suliffinnut il.il., niuerfimmik misissuinermut peqataasunut, sulianik allanik peqqussuteqarnissamut periarfissaqartunut sulianik aallartiinissamut imaluunniit suliaqarnissamut periarfissaqanngilaq, tassani niuerfimmik misissuinermi ingerlasup assinganik atukkanut aamma tunngassuteqarpat.

Aqutsisoqarfiup niuerfimmik misissuinermini suliffeqarfimmut il.il. unammilleqatigiinnermut inatsimmik unioqqutitsisoqarnerasoq pillugu suliffeqarfimmut, suliffeqarfiit kattunnikut imaluunniit inatsisilerituumut peqqussuteqarnissamut neriorsuummilluunniit pituttuisitsinissamut pineqartumi atukkanut assingusunut misissuinerup kingorna suliameq aallartiisinnaanngilaq.

Atuisartoqarnermut Unammilleqatigiinnermullu Aqutsisoqarfik aaliangerpat, niuerfimmik misissuineq peqqussuteqarluni imaluunniit neriorsuummik pituttuisumik

aalajangiinertaqanngitsumik naammassineqassasoq, aqutsisoqarfik suliffeqarfimmut il.il. unammilleqatigiinnermut inatsimmik unioqputitsineq pillugu suliamik aallartiisinnaavoq.

Siunnersuutigineqartumi ukiut marluk killigitinneqartup qaangiutinnginnerani

Atuisartoqarnermut Unammilleqatigiinnermullu Aqutsisoqarfik:

- 1) Niuerfimmik misissuineramik naammassinnissimassaaq, tassani inuussutissarsiortunit pisortaqaqfinniillu attuumassuteqartunit paasissutissanik pisariaqartinneqartunik katersaqarsimalluni suliffeqarfillu imaluunniit suliffeqarfiit, suliffeqarfiit kattunnikut imaluunniit inatsisileritooq suliami peqataasup unammilleqatigiinnermut innarliinersoq, suullu peqqussutigineqassanersut imaluunniit suliniutissat allat attuumassuteqartut nalilersornissaannut atorneqartussat.
- 2) Unammilleqatigiinnermut innarliisoqarnersoq pillugu nalilersuissaaq uppersarlugu atukkanik unammilleqatigiinnermut innarliisoqarnersoq, unammilleqatigiinnermullu qulakkeerisussamik peqqussuteqarnissaaq pisariaqartinneqarnersoq.
- 3) Peqqussut qanoq sanarfineqassanersoq nalilersorlugu, tassani unammilleqatigiinneq naapertuuttumik siuarsarneqarniassammat.
- 4) Illua-tungeriinnik ilaatigut tusarniaaneq aqputigalugu peqataatitsineranut qulakkeerinnineq.

Atuisartoqarnermut Unammilleqatigiinnermullu Aqutsisoqarfik niuerfimmik misissuini naammassisinnaaniarlugu aamma peqqussuteqartumik immaqaluunniit killigititap qaangiutinnginnerani neriorsuummik pituttuisumik aalajangiilluni, aqutsisoqarfik piaartumik unammilleqatigiinnermut atukkat pillugit suliffeqarfimmut attuumassuteqartunut arlalinnut paasissutissanik pisariaqartinneqartunik noqqaassuteqassaaq.

Taamaasilluni aqutsisoqarfik killigititassamik inissiisinnaassaaq, inuussutissarsiortut, pisortaqaqfiit allallu suliffeqarfiit il.il. suliami peqataasut paasissutissat noqqaassutigineqartut pillugit akissuteqarniassammat. Tassunga atatillugu Atuisartoqarnermut Unammilleqatigiinnermullu Aqutsisoqarfik pinngitsaaliissummik akileeqqussunnik atuinissaminut periarfissaqarpoq, soorlu suliffeqarfiit il.il. paasissutissanik pisariaqartinneqartunik tunniussinngikkunik imaluunniit paasissutissanik eqqunngitsunik tunniussisimagunik akiligassitsittartut assigalugit.

§ 30 e, imm. 2-mut

30 e, imm. 2-mi siunnersuutigineqarpoq, Atuisartoqarnermut Unammilleqatigiinnermullu Aqutsisoqarfik killigititamik ukiup affaa tikillugu sivitsuisinnaanermut aaliangiisinnaassasoq, aqutsisoqarfillu matumangga aaliangiussani pillugu tamanut saqqummiussisinnaalluni. Aqutsisoqarfiup killigititaq sivitsorsinnaavaa, tassani aqutsisoqarfiup nalilerpagu, niuerfimmik misissuineramik naammassinninnissamut tamanna pisariaqartinneqartoq.

§ 30 e, imm. 3-mut

§ 30 e, imm. 3-mi siunnersuutigineqarpoq, unammilleqatigiinnermut inatsimmi §§ 31 aamma 32-mi aalajangersakkat niuerfimmik misissuinermi assingusumik atorneqassasut. § 30 toqqaannartumik atorneqassaaq.

Atuisartoqarnermut Unammilleqatigiinnermullu Aqutsisoqarfik matuma kingorna paasissutissat tamaasa pisariaqartutut nalilerpagu, aqutsisoqarfiup niuerfimmik misissuinerup naammassineqarnissaanut, piumasinnaavai, nalunaaruteqaqqaarnanilu nakkutilliinermik misissuilluni, tassani paasissutissat atorsinnaaniarlugit.

Atuisartoqarnermut Unammilleqatigiinnermullu Aqutsisoqarfiup niuerfimmik misissuineranut atatillugu, paasissutissat suulluunniit paasiniarnissai assilinnissaallu siunertaralugu, suliffeqarfiup imaluunniit kattunnermi init assartuutillu, qarasaasiakkut suliarinnittartut avataaneersut imaluunniit sulisut namminneq angerlarsimaffii iserfigisinnaavai.

Suliffeqarfiup inatsimmik unioqquutitsisimaneranik ilimasuuteqarnermik niuerfimmik misissuineq nassataqanngimmat, inatsisilerinermi oqartussaaffiit qanoq tulleriiaarlugit aaqquissuussiffigineqarsimanermik tunngaviit nalinginnaasut naapertorlugit Atuisartoqarnermut Unammilleqatigiinnermullu Aqutsisoqarfik nalinginnaasumik nalunaaqqaarani misissuiartornissaminut tunuarsimaartariaqarpoq, tassani tamanna niuerfimmik misissuinerup naammassinissaanut pisariaqarluinnanngippat aamma niuerfimmik misissuinerup sunniutigisinnaasaanut atatillugu naapertuuttumik akuliunnerunngippat.

Misissuisoqassappat tamanna Kalaallit Nunaanni Eqqartuussivimmiit eqqartuussisup aaliangerneranik peqartoqarnissaanut piomasaaqateqartoqarneratigut isumagineqassaaq, tak. Inatsisartut inatsisaanni pineqartumi § 31, imm. 4. Misissuinissaq ilaatigut pisariaqartoq naleqquttorlu pillugu Atuisartoqarnermut Unammilleqatigiinnermullu Aqutsisoqarfiup naliliinera sioqqutsisumik eqqartuussiviup nakkutilliinerata ataaniippoq.

§ 30 f, imm. 1-imut

§ 30 f, imm. 1-imi siunnersuutigineqartumi, Atuisartoqarnermut Unammilleqatigiinnermullu Aqutsisoqarfik immikkoortumik aaliangersimasumik misissuisinnaanngussaaq. Immikkoortoqarfimmik misissuineq ima paasineqassaaq, suliffeqarfimmik imaluunniit industriimik (immikkoortoqarfimmik) aaliangersimasumik, assersuutigalugu aningaaserivimmik aamma sillimmasiisarfimmik imaluunniit atugassanik pisiniarfimmik, misissuineq.

Immikkoortortamik misissuinermi immikkoortortami unammilleqatigiinnermut aamma niuerfimmik atukkani pissutsit paasisaqarfiginissai siunertaavoq. Atuisartoqarnermut Unammilleqatigiinnermullu Aqutsisoqarfiup, niuerfimmik misissuitinnani

uppernarsarsinnaangilaa, immikkoortortami unammilleqatigiinnermut ajornartorsiuteqarnersoq.

Immikkoortortamik misissuinermi anguniarneqarpoq, immikkoortortami unammilleqatigiinnermut ajornartorsiuteqarnersoq ajornartorsiullu sunaanersoq paasissallugit. Immikkoortortamik misissuinissaq pisariaqalersinnaavoq, tassani akit annertuumik qaffanneqarsimappata, iluanaarutinut pissutsit ernumaginarinneqarpata imaluunniit pisiortorfinniit poortuutit assigiinngitsuuppata.

Immikkoortortamik misissuineq unammilleqatigiinnermut ataatsimiititaliamit akuerineqaqqaartariaqanngilaq, §§ 30 a – 30 e-nilu niuerfimmik misissuinissamut maleruagassani ilaatinneqarani. Immikkoortortamik misissuinermi naammassinninneq inerteqquteqarnermik imaluunniit peqqussummik tunniussinissamut tunngavigineqarsinnaanngilaq.

§ 30 f, imm. 2

Siunnersuutigineqarpoq, Atuisartoqarnermut Unammilleqatigiinnermullu Aqutsisoqarfiup suliffeqarfinnut aamma suliffeqarfiit kattunnikunut immikkoortortamik misissuinissamut atugassaminik inatsisitigut tunngavissaqalissasoq, tamannalu §§ 31-32 naapertorlugit nakkutilliinnermut misissuinerit assigalugit ingerlanneqartassaaq. § 30-mi paasissutissanik piunasaqarsinnaaneq pillugu siunnersuutigineqartoq toqqaannartumik atuutsinneqassaaq, taamaattumillu uani eqqaaneqarani.

Siunnersuummi Atuisartoqarnermut Unammilleqatigiinnermullu Aqutsisoqarfik niuerfimmik misissuinissaminut assinganik periarfissaqalissaaq, immikkoortortamik misissuinermi pisariaqartinneqartumik aqutsisoqarfik nakkutilliinissaminut atorfissaqartitaanik, tak. Inatsisartut inatsisaanni §§ 31 aamma 32.

Atuisartoqarnermut Unammilleqatigiinnermullu Aqutsisoqarfiup paasissutissanik piunasaqaateqarsinnaanera suliffeqarfimmut allagaqarnikkut saaffiginnissutigineqartassaaq, tak. § 30, aammali nalilerneqarpat pisariaqartinneqartoq, nakkutilliinnermik misissuisoqassalluni.

Atuisartoqarnermut Unammilleqatigiinnermullu Aqutsisoqarfiup niuerfimmik misissuineranut atatillugu, paasissutissat suulluunniit paasiniarnissai assilinissaallu siunertaralugu, suliffeqarfiup imaluunniit kattunnermi init assartuutillu, qarasaasiakkut suliarinnittartut avataaneersut imaluunniit sulisut namminneq angerlarsimaffii iserfigisinnaavai.

Suliffeqarfiup inatsimmik unioqqutitsisimaneranik ilimasuuteqarnermik niuerfimmik misissuineq nassataqanngimmat, inatsisilerinermi oqartussaaffiit qanoq tulleriarlugit

aaqqissuussiffigineqarsimanermik tunngaviit nalinginnaasut naapertorlugit Atuisartoqarnermut Unammilleqatigiinnermullu Aqutsisoqarfik nalinginnaasumik nalunaaqqaarani misissuiartornissaminut tunuarsimaartariaqarpoq, tassani tamanna niuerfimmik misissuinerup naammassinissaanut pisariaqarluinnangippat aamma niuerfinnik misissuinerup sunniutigisinnaasaanut atatillugu naapertuuttumik akuliunnerunngippat.

Misissuisoqassappat tamanna Kalaallit Nunaanni Eqqartuussivimmiit eqqartuussisup aaliangerneranik peqartoqarnissaanut piumasaqaateqartoqarneratigut isumagineqassaaq, tak. Inatsisartut inatsisaanni pineqartumi § 31, imm. 4. Misissuinissaq ilaatigut pisariaqartoq naleqquttorlu pillugu Atuisartoqarnermut Unammilleqatigiinnermullu Aqutsisoqarfiup naliliinera sioqqutsisumik eqqartuussiviup nakkutilliinerata ataaniippoq.

§ 30 f, imm. 3-mut

§ 30 f, imm. 3-mi siunnersuutigineqartoq malillugu, Atuisartoqarnermut Unammilleqatigiinnermullu Aqutsisoqarfik, maannakkut aqutsisoqarfiup unammilleqatigiinnermi misissuineri il.il. tamanut saqqummiuttarpai, immikkoortortamillu misissuineri inernerit tamanut saqqummiussinnaallugit. Aqutsisoqarfiup tamanut saqqummiussinermut atatillugu isertuussisussaataaneq pillugu maleruagassat malillugit tamanut saqqummiussissaaq, tak. Siunnersuummi § 24 a, imm. 3.

Naatsorsuutigineqarpoq, Atuisartoqarnermut Unammilleqatigiinnermullu Aqutsisoqarfiup tamanut saqqummiussinnginnermini immikkoortortami misissuinerup inernerit immikkoortortamut attuumassuteqartumut tusarniaassutigalugit nassiuteqqaassagai.

Nr. 12-imut

Siunnersuutigineqarpoq, § 34, imm. 1 aamma 2-mi atuuttumi oqaaseqaat allanngortinneqassasoq, tassani nunatsinni unammilleqatigiinnermut pisorta qarfinnut paasissutissanik ingerlatitseqqisoqannginniassammat, unammilleqatigiinnermullu pisorta qarfinnut ingerlateqqinneqarlutik.

§ 34, imm. 1 aamma 2-mi oqaaseqaatip allanngortinneqarnissaanut siunnersuutip Atuisartoqarnermut Unammilleqatigiinnermullu Aqutsisoqarfiup assersuutigalugu Danmarkimi aamma Savalimmiunut unammilleqatigiinnermut pisorta qarfinnut paasissutissat pineqartut ingerlateqqissinnaanissaannut periarfissiissaaq.

Nr. 13-imut

Siunnersuutigineqarpoq, Atuisartoqarnermut Unammilleqatigiinnermullu Aqutsisoqarfiup suliami suliarisamini pingajuusumit matumangga uppersaatitut isertugaatinik imaqqanngitsunik tamanut saqqummiussinissaminut oqaaseqaammik pissarsinissaminut inatsisitigut tunngavissaqalissasoq.

Uppernarsaatit, Atuisartoqarnermut Unammilleqatigiinnermullu Aqutsisoqarfiup suliamik suliarinninnerani atorpeqartut, aqutsisoqarfiullu pingajuusumit oqaaseqaammik pisariaqartitsisinnaanerani, assersuutigalugu pisunik nalunaaruteqarneq imaluunniit maalaarnissamik nalunaaruteqarnermik imaqarsinnaavoq, illua-tungiliuttumut ilisimatitsissutitut nassiuqqartoq, imaluunniit suliffeqarfiup kattunnissamik siunertaqarluni akuersissuteqarneranik neriorsuut.

Pingajuusooq ima paasineqassaaq, suliami illua-tungeriinni peqataangitsoq, assersuutigalugu suliffeqarfik misissorneqartup pisiortorfia, sullitai imaluunniit suliffeqarfiit allat unammilligai pineqarsinnaapput.

Suliamik suliarinninnermi uppernarsaatinik tamanut saqqummiussineq assigiinngitsunik marlunnik pisinnaavoq: Pingajuusumut oqaaseqaammik noqqaassuteqarnermi toqqaannartumik saaffiginnineq, imaluunniit Atuisartoqarnermut Unammilleqatigiinnermullu Aqutsisoqarfiup nittartagaatigut uppernarsaammik tamanut saqqummiussinikkut.

Ersarissarneqassaaq, uppernarsaatit tamanut saqqummiunneqartussat imaluunniit tunniunneqartussat isertugaatinik imaqaanginnissai. Tamanna isumaqarpoq, uppernarsaat teknikkikkut atukkat il.il. imaluunnit ingerlatsineranut aamma suleriutsimut isertugaatit pillugit paasissutissanik imaqaassangitsoq.

Nr. 14-imut

Pinngitsaaliissummik akileeqqusissutit pingasunut immikkoortillugit unammilleqatigiinnermut inatsimmi atuuttumi § 37-mi siunnersuutigineqarpoq:

Siullermik siunnersuutigineqarpoq, § 37, imm. 1, nr. 1 allanngortinneqassasoq, tassani paasissutissanik unammilleqatigiinnermut ataatsimiititaliamut, aammali Atuisartoqarnermut Unammilleqatigiinnermut Aqutsisoqarfimmut, tunniussinissamut pisussaaffeqarluni naammaginangitsunik tunniussisimanerup kinguneranik pinngitsaaliissummik akileeqqusinissamut inatsisitigut tunngavissaqalissasut.

Siunnersuutitassatut allannguutissap sunniutissaa tassaavoq, Atuisartoqarnermut Unammilleqatigiinnermullu Aqutsisoqarfik, unammilleqatigiinnermut ataatsimiititaliaq sinnerlugu suliffeqarfimmut, suliffeqarfiit kattunnikunut imaluunniit inatsisilerituumut akileeqqussuteqarsinnaanngussaaq, tassani pineqartut paasissutissanik tunniussisussaataitanertik avaqqutiinnarsimappassuk, apeqqutaanani paasissutissat unammilleqatigiinnermut ataatsimiititaliaq pisortatigoortumik suliaqarneranut atorpeqartussaappata, tak. § 26, imm. 2, imaluunniit unammilleqatigiinnermut inatsit

naapertorlugu pisortatigoortumik suliaqarnermi aqutsisoqarfik namminersortutut pisortaqaarfittut immikkoortortamik misissuineramik naammassisarnissaminut atugassaminik, tak. Siunnersuummi § 30 f.

Aappaattut siunnersuutigineqarpoq, § 37, imm. 1, nr. 3 allanngortinneqassasoq, tassani siunnersuummi § 30 c, imm. 1-imi pituttuisumik neriorsuutininik naammassinissimannginneq peqqutaalluni naalakkiissummik akileeqqussuteqarnissaminut inatsisitigut tunngavissaqalertoqassaaq.

Siunnersuutitassatut aalajangersakkap sunniutissaa tassaavoq, Atuisartoqarnermut Unammilleqatigiinnermullu Aqutsisoqarfik, siunnersuutitassatut aalajangersakkami § 30 c, imm. 1 malillugu aqutsisoqarfik neriorsuummik pituttuisumik tunniussaqaarsimappat, neriorsuullu suliffeqarfiup il.il. naammassisimanagu, taava suliffeqarfimmut, suliffeqarfiit kattunnikunut imaluunniit inatsisilerituumut akileeqqussuteqarsinnaanngussaaq.

Siunnersuut unammilleqatigiinnermut inatsimmi § 37, nr. 3-mi atuuttoq malillugu periarfissaanut assinguvoq, matumalu kingorna, § 29 naapertorlugu pituttuisumik, neriorsuummik naammassinissimannginneq peqqutaalluni akileeqqussuteqarfigineqarsinnaalissallutik.

Pingajuattut siunnersuutigineqarpoq, § 37, imm. 1 naapertorlugu suliffeqarfimmut inatsit malillugu assigiinngitsunik paasissutissanik tunniussinissamut imaluunniit piumasaqaammik, peqqussummik neriorsuummilluunniit pituttuisumik naammassininnissamut naalakkiinermi akileeqqussuteqartoqarsinnaasoq, akiliutigineqartullu Nunatta Karsianut ikineqartassasut. Akileeqqussutissap annertussusissaata inissinnissaanut akileeqqussutip siunertaa aallaavigineqassaaq – tassaasoq suliffeqarfik noqqaassut malillugu iliuuseqartinnissaa imaluunniit neriorsuummik malinninnissaa – nalilersuinerit naleqqiuttunut ataqatigiissillugu. Pissutsit aallaaviusinnaasut ilaatigut tassaapput suliffeqarfiup kaaviiartitai aningaasaqarneralu, sumiginnaanera qanoq ilungersornartiginersoq, kiisalu uteqqittumik pisoqartarsimansoq.

Nr. 15-imut

§ 38, imm. 1, nr. 11-mi siunnersuutigineqarpoq, neriorsuutininik, § 30 c, imm. 1-imi siunnersuut malillugu pituttuisunngortinneqarsimasunik, naammassinissimannginnermi akileeqqussuteqarnissamut inatsisitigut tunngavissamik ilanngussisoqassasoq.

Siunnersuutitassatut aalajangersakkap sunniutissaa tassaavoq, Atuisartoqarnermut Unammilleqatigiinnermullu Aqutsisoqarfik, siunnersuutitassatut aalajangersakkami § 30 c, imm. 1 malillugu aqutsisoqarfik neriorsuummik pituttuisumik tunniussaqaarsimappat,

neriorsuullu suliffeqarfiup il.il. naammassisimanagu, taava suliffeqarfimmut, suliffeqarfiit kattunnikunut imaluunniit inatsisilerituumut akileeqqussuteqarsinnaanngussasoq.

Siunnersuut unammilleqatigiinnermut inatsimmi § 38, imm. 1, nr. 11-mi atuuttoq malillugu periarfissaanut assinguvoq, matumalu kingorna, § 29, imm. 1 naapertorlugu pituttuisumik, neriorsuummik naammassinnissimannginneq peqquataalluni akileeqqussuteqarfigineqarsinnaalissallutik.

Nr. 16-imut

Inatsimmi atuuttumi unammilleqatigiinnermut inatsimmi § 38, imm. 1 naapertorlugu unammilleqatigiinnermut maleruagassani arlalinnik iluarsiivigineqarsimanngitsunik imaluunniit annertuumik mianersuaallortitsisumik unioqqutitsisimaguni akileeqqussisummik aalajangiiffigineqarsinnaavoq.

§ 38, imm. 1, nr. 12-imi siunnersuutigineqarpoq, pineqartoq arlalinnik iluarsiivigineqarsimanngitsunik imaluunniit annertuumik mianersuaallortitsisumik unioqqutitsisimaguni aalajangersakkami § 30 c, imm. 1-imi siunnersuutigineqartoq malillugu akileeqqussisummik aalajangiiffigisinnaanissaa periarfissaatinneqartariaqartoq.

Peqqussutini naammassinnissimannginnermut pineqaatissiinissamut inatsisitigut tunngavissamik siunnersuut unammilleqatigiinnermut inatsimmi pineqaatissiissutitut aalajangersakkanut allanut assinguvoq. Akileeqqussisummik peqqussuteqarsinnaalernerup, suliffeqarfiup il.il. arlalinnik iluarsiivigineqarsimanngitsunik imaluunniit annertuumik mianersuaallortitsisumik unioqqutitsisimaneranut peqqussuteqarfigisinnaalissavaa.

Nr. 17-imut

§ 38, imm. 1, nr. 4-mi atuuttoq malillugu, Unammilleqatigiinnermut Ataatsimiititaliamut imaluunniit Atuisartoqarnermut Unammilleqatigiinnermut Aqutsisoqarfimmut suliamut atatillugu paasissutissanik noqqaassuteqarnermi eqqunngitsunik, paatsiveerussaataasunik naammaginangitsunillu paasissutissanik tunniussineq unitsinneqarsimanngippat, akileeqqussisummik peqqussuteqarsinnaavoq.

§ 38, imm. 1, nr. 14-mi oqaaseqaatip allanngortinneqarneranut siunersuutigineqarpoq, matuma saniatigut immikkoortortamik misissuinermi paasissutissanik noqqaassuteqarnermi eqqunngitsunik, paatsiveerussaataasunik naammaginangitsunillu paasissutissanik tunniussinerni aamma akileeqqussisummik peqqussuteqarsinnaasoq, tassanngaanniillu paasissutissat tiguneqarlutik. Immikkoortoqarfimmik misissuineq ima paasineqassaaq, suliffeqarfimmik imaluunniit industriimik (immikkoortoqarfimmik) aaliangersimasumik misissuinertut, § 30 f-imi siunnersuutigineqartoq aallaavigalugu tunngavigalugulu misissorneqartussat.

§ 30, imm. 1 naapertorlugu paasissutissanik pisussaaffigisamik nassiussinissamut pisortatigoortumik piunasaqartoqarsimappat, nalinginnaasumik aalajangersagaq naleqqutissaaq, kisianni aamma paasissutissat, pisortat piunasaqarneratigut nammineq piunassutsimik tunniunneqarsimasut, ilumuunngitsut, paatsiveerunnartut amigartulluunniit, suliamut imaluunniit immikkoortoqarfimmik misissuinermut sunniuteqartut pineqartillugit atuuppoq.

§ 2-mut

Imm. 1-imut.

Inatsisartut inatsisaat ulloq 1. juuli 2026-mi atuutsinneqalissasoq siunnersuutigineqarpoq.

Imm. 2-mut.

Inatsisip atuutsinneqannginnerani kattunnissamut suliffiit isumaqatigiissuteqareersimasut, tunniussinissamut neqerooruteqarneq tamanut saqqummiunneqareersimasoq imaluunniit piginneqataanermut aqutsineq atuutsinneqalereersimasoq, kattunnikunut Inatsisartut inatsisaat atuutsinneqassanngitsoq siunnersuutigineqarpoq. Aalajangersakkap siunnersuutigineqartup sunniutissarivaa, sulianut pineqartunik suliaqarnissaq matumangga maleruagassat atuuttut atorlugit suliarineqartassasut.

Takussutissaq 1

Inatsimmut atuuttumut siunnersuutip katiternera	
<u><i>Oqaasertat atuuttut</i></u>	<u><i>Siunnersuut</i></u>
	§ 1 Unammilleqatigiinneq pillugu Inatsisartut Inatsisaat nr. 1, 15. maaji 2014-imeersoq, tak. Unammilleqatigiinneq pillugu Inatsisartut inatsisaat pillugu Namminersorlutik Oqartussat nalunaarutaat nr. 2, 26. marsi 2021-meersoq, Inatsisartut Inatsisaat nr. 55, 25. novembari 2024-meersumi allanngortinneqartumi, ataani allanneqartut allanngortinneqassapput:
	<p>1. § 20-mi imm. 6-7-tut ilanngunneqassapput: ” Imm. 6. Imm. 1-4-ni killigititat immikkuullarissumik unitsinneqassapput, tassani Unammilleqatigiinnermut Ataatsimiititaliaq kattunneq akuerineqassanersoq pillugu nalilersuinissaminut paasissutissanik noqqaassuteqarsimappat, aamma</p> <p>1) Piumasaqaat, suliffeqarfiit peqataasut ilaannit naleqquttumik pissuteqarluni ilanngunneqarsinnaanera, peqqutaavoq, aamma</p> <p>2) Unammilleqatigiinnermut Ataatsimiititaliaq aaliangersimasumik akissuteqarnissanut killigititaqarpoq, suliffeqarfiullu peqataasup ilaannit unioqqutinneqarsimalluni.</p> <p><i>Imm. 7.</i> Killigititamik unitsitsineq, tak. imm. 6, paasissutissat noqqaassutigineqartut ataatsimiititaliamut tunniunneqarnissai tikillugu, killigititaq atatinneqaannassaaq.”</p>
Kapitali 6	<p>2. Kapitali 6-imut qulequtaq ima oqaasertaliorneqarpoq: “Kapitali 6</p>

<p>Tamanut ammatitsineq aamma allagaatinik takunnissinnaaneq</p>	<p><i>Tamanut ammatitsineq, allagaatinik takunnissinnaaneq aamma inummut paasissutissanik suliarinninneq</i></p>
<p>§ 24. Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat Inatsisartut inatsisaat manna malil-lugu sulianut atuutinngilaq, tassani ilaanatik § 4, imm. 2, § 7, imm. 6, § 8 imm. 2, oqaa-seqatigiit aappaat, § 9, oqaaseqatigiit aappaat, § 10, imm. 1, § 11, imm. 6, § 12, imm. 3, oqaaseqatigiit aappaat aamma imm. 5, oqaaseqatigiit aappaat, § 15, imm. 4, § 17, imm. 3, § 26, imm. 3, aamma § 34, imm. 3 malillugit aalajangersakkanik aalajanger-saanissaq pillugu suliat. Taamaattoq pisortat ingerlatsinerat pillugu paasitinneqarsinnaa-titaaneq pillugu Inatsisartut inatsisaanni § 4, imm. 2, aamma § 6 atuutissapput. Paasissutissat Inatsisartut inatsisaat manna malillugu pissarsiarineqarsimasut ingerlatsi-vimmut oqartussamut allamut tunniunneqar-simappata oqaaseqatigiit siulliit aamma oqaaseqatigiit aappaat aamma atuutissapput.</p> <p><i>Imm. 2.</i> Unammilleqatigiinnermut Ataatsimiititaliap oqaaseqaataa tunngavilersugaa-soq aamma Naalakkersuisut § 2, imm. 4 malillugu akissuteqaataat, kiisalu Unammilleqatigiinnermut Ataatsimiititaliap Inatsisartut inatsisaat malillugu aalajangiineri tamanut ammasumik saqqummiunneqassapput. Aammattaq aalajangiinerit Unammilleqati-giinnermut Ataatsimiititaliap sinnerlugu Atuisartoqarnermut Unammilleqatigiinnermullu Aqutsisoqarfimmit aalajangiunneqartut,</p>	<p>3. § 24 ima oqaasertaliorneqarpoq: ” § 24. Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat Inatsisartut inatsisaat manna malillugu sulianut atuutinngilaq, tassani ilaanatik § 4, imm. 2, § 7, imm. 6, § 8, imm. 2, 2. pkt., § 9, 2. pkt. § 10, imm. 1, § 11, imm. 6, § 12, imm. 3, 2. pkt., § 12, imm. 5, 2. pkt., § 15, imm. 4, § 17, imm. 3, § 26, imm. 3, aamma § 34, imm 3 malillugit aalajangersakkanik aalajangersaanissaq pillugu suliat.</p> <p><i>Imm. 2.</i> Suliani una Inatsisartut Inatsisaat malillugu aalajangiiffigineqareersimasuni aalajangiiffigineqartussaniluunniit, suliffeqarfiit, uppersaatini atugaat pillugit paasissutissanik imaqarpata, imm. 1-imi takunnissinnaatitaanermut pisinnaatitaagaluaanniluunniit, paasissutissat sunilluunniit imaqaraluarpata, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 4, imm. 2 naapertorlugu takunnissinnaatitaasut.</p> <p><i>Imm. 3.</i> Paasissutissat imminnermut tunngasut pillugit takunnissinnaatitaanermut pisinnaatitaaneq, tak. imm. 2, suliffeqarfik pillugu paasissutissat uppersaatini, suliffeqarfiup allap teknikikkut paasissutissaatai, periusai aamma ingerlatsinermi suliffimmilu atukkat aamma paasissutissat allat allanit takuneqartussaannngitsut pillugit, allaqqasunut atuutsinneqanngilaq.</p> <p><i>Imm. 4.</i> Suliani, una Inatsisartut Inatsisaat malillugu aalajangiiffigineqartussani,</p>

<p>aalajangiineq Inatsisartut inatsisaata atorneqarneranik paasinninnissamut pingaaruteqartutut imaluunniit allatigut tamanut ammasumik soqutiginaateqartutut nalilerneqarpat, tamanut ammasumik saqqummiun-neqassapput. Suliani § 38 innersuussutigalugu akileeqqusissuteqarnermik pineqaatissiisoqartillugu imaluunniit aalajangiisoqartillugu, pineqaatissiineq, akileeqqusissuteqarnermik akuersineq imaluunniit taassuma naalisarnera tamanut ammasumik saqqum-miunneqassaaq.</p> <p><i>Imm. 3.</i> Unammilleqatigiinnermut Ataatsi-miititalia suliaqarnera aammalu nalinginnaa-sumik nassuiaasiai pillugit paasissutissat Unammilleqatigiinnermut Ataatsimiititaliap tamanut ammasumik saqqummiussinnaavai.</p> <p><i>Imm. 4.</i> Imm. 2 aamma 3 malillugit tamanut ammasumik saqqummiinermi pissutsit teknikkimut tunngasut, ilanngullugit ilisimatusarneq, tunisassioriaatsit, tunisassiat kiisalu ingerlatsinermi niuerneramilu isertuussassat, pillugit paasissutissat, inummut imaluunniit suliffeqarfimmut paasissutissanik peqarfiusumut aningaasaqarnikkut annertuumik pingaaruteqarsimappata, tamanut ammasumik saqqummiunneqassanngillat. Aammattaaq suliffeqarfinni Aningaasaqarnermut nakkutilliisoqarfimmit nakkutigineqartuni sullitat ataasiakkaat pillugit paasissutissat tamanut ammasumik saqqummiunneqassanngillat.</p> <p><i>Imm. 5.</i> Unammilleqatigiinnermut Ataatsi-miititaliamut paasissutissanik tunniussisussaq, ataatsimiititaliap siulittaasuanut piuma-saqarsinnaavoq,</p>	<p>Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 6, imm. 1 assinganik atorneqassaaq.</p> <p><i>Imm. 5.</i> Pisortaqarfimmut allamut Inatsisartut Inatsisaat malillugu paasissutissat ingerlateqqinneqarsimappata, imm. 1-4 aappiullugu atuutissaaq.”</p>
---	---

<p>paasissutissat imm. 4 naapertorlugu tunniuteqqusaanngitsut imaluunniit tamanut ammasumik</p> <p>pissarsiarineqarsinnaasusaaanngitsut, aamma ataatsimiititaliami ilaasortanut tunniunneqassanngitsut. Siulittaasup inaarutaasumik aalajangissavaa paasissutissat qanoq annertutigisumik aammalu qanoq iluseqartumik tunniunneqartariaqaraluarnersut.</p>	
	<p>4. § 24-p kingorna ilanngunneqassaaq:</p> <p>” § 24 a. Aalajangiissutit uku il.il. oqartussaasunit akisussaasuusuniit tamanut ammasumik saqqummiunneqassapput:</p> <ol style="list-style-type: none"> 1) Unammileqatigiinnermut Ataatsimiititaliap tunngavilersuutitut oqaaseqaataa. 2) Naalakkersuisut § 2, imm. 4 malillugu akissuteqaatai. 3) Atuisartoqarnermut Unammilleqatigiinnermullu Aqutsisoqarfiup Unammilleqatigiinnermut Ataatsimiititaliaq sinnerlugu aalajangiissutai, tassani aalajangiussaq Inatsisartut Inatsisaannik atuinermut paasinnissinnaassutsimut pingaaruteqarpat imaluunniit tamanit soqutigineqarpat. 4) Suliani § 38-mut innersuussuteqartoqartillugu parnaarussassanngortitsisoqassaaq imaluunniit akiligassiissuteqartoqassaaq. Tamanut saqqummiussineq eqqartuussummit, akiligassitsinnermit imaluunniit tassannga eqikkaanermut pissaaq. <i>Imm. 2. Unammilleqatigiinnermut Ataatsimiititaliaq Unammilleqatigiinnermut Ataatsimiititaliap suleriesia</i>

	<p>paasissutissiissutaalu pillugit tamanut saqqummiussisinnaavoq.</p> <p><i>Imm. 3.</i> Imm. 1 aamma 2 malillugit tamanut saqqummiinermi teknikikkut atukkat pillugit paasissutissat, ilisimatuutut misissuinermit, nioqqusioriaatsimut, nioqqutinut kiisalu ingerlatsinermit aamma suliffeqarfiup isertugaatai pineqartumi ilaatinneqarlutik, tamanut saqqummiunneqassanngillat, tassani paasissutissat pineqartumut imaluunniit suliffeqarfiup aningaasaqarneranut pingaaruteqarpata. Aammattaaq suliffeqarfimmi sullinneqartut aaliangersimasut pillugit paasissutissat, Aningaasaqarnermut Nakkutilliisunit nakkutigineqartut, tamanut saqqummiunneqassanngillat.</p> <p><i>Imm. 4.</i> Unammilleqatigiinnermut Ataatsimiititaliamut paasissutissanik tunniussisussa, ataatsimiititaliap siulittaasua, imm. 3 tunngavigalugu paasissutissat tamanut saqqummiunneqannginnissaannut, aamma ataatsimiititaliami ilaasortanut tunniunneqannginnissaannut piumasaaqateqarsinnaavoq. Siulittaasoq paasissutissat qanoq annertutigisumik tamanut saqqummiunneqassanersut pillugit inerniliissummik aalajangiissaaq.”</p>
	<p>5. § 24 a-p kingorna ilanngunneqassaaq: ” § 24 b. Inatsisartut Inatsisaat malillugu suliani misissuiner Nilu paasissutissiinissamut pisussaaffik inunnut paasissutissanik suliarinnittarneq pillugu inatsimmi kapitali 8 aamma 9 atuutsinneqassanngilaq.”</p>

<p><i>Imm. 2.</i> Ataatsimiititaliami siulittaasoq ilaasortallu Naalakkersuisunit ukiut sisamakkaarlugit toqqarneqartassapput.</p>	<p>6. § 27, imm. 2, ima oqaasertalerneqarpoq: ” <i>Imm. 2.</i> Ataatsimiititaliami siulittaasoq ilaasortallu Naalakkersuisunit ukiut sisamakkaarlugit toqqarneqartassapput. Piffissaliussap qaangiunnerani nutaamik ataatsimiititaliortoqarsimanngippat, ilaasortaareersut atorfirminni ingerlaannassapput, tassani nutaamik ataatsimiititaliortoqarnissaa tikillugu.”</p>
<p><i>Imm. 5.</i> Naalakkersuisut ilaasortaq ataaseq atuisartoqarnermut kattuffinnit ataatsimoortuni inassuteqarneq malillugu aamma ilaasortaq ataaseq immikkut pisortat inuussutissarsiorner-mik ingerlatsinerannik ilisimasaqartoq kommuninit ataatsimoortuni inassuteqarneq malillugu Naalakkersuisut toqqassavaat.</p>	<p>7. § 27, imm. 5, ima oqaasertalerneqarpoq: ” <i>Imm. 5.</i> Naalakkersuisut ilaasortaq ataaseq atuisartoqarnermut kattuffinnit ataatsimoortuni inassuteqarneq malillugu aamma ilaasortaq ataaseq immikkut pisortat inuussutissarsiornermik ingerlatsinerannik ilisimasaqartoq kommuninit ataatsimoortuni inassuteqarneq malillugu Naalakkersuisut toqqassavaat.”</p>
	<p>8. § 27-mi imm. 5-ip kingorna nutaatut ilanngunneqassaaq: ” <i>Imm. 6.</i> Naalakkersuisut atuisartoqarnermut pissutsinut ilisimasalimmik Unammilleqatigiinnermut Ataatsimiititaliamut ilaasortassamik toqqaassapput. Ataatsimiititaliap allattoqarfia toqqaanissamut qaammatit pingasut qaangiutsinnagit tamanut ammasumik tusagassiuutitigut aamma Atuisartoqarnermut Unammilleqatigiinnermullu Aqutsisoqarfiup nittartagaatigut saqqummiussissaaq, tassani soqutiginnittut atorfirmut qinnuteqarsinnaaniassammata.”</p> <p>Matuma kingorna imm. 6 imm. 7-ingussaaq.</p>
	<p>9. § 27-p kingorna ilanngunneqassaaq:</p>

	<p>” § 27 a. Unammilleqatigiinnermut Ataatsimiititaliaq allakkatigut taasinikkut imaluunniit ataatsimiinnermi aalajangiussissaaq.</p> <p><i>Imm. 2.</i> Ataatsimiititaliaq, siulittaasoq, imaluunniit peqataasinnaanngippat siulittaasup tulliata, minnerpaamillu ilaasortat allat pingasut, peqataaneranni aalajangiisinnaavoq.</p> <p><i>Imm. 3.</i> Ataatsimiititaliap aalajangiussai nalinginnaasumik taasinermi amerlanerussuteqarnikkut aalajangiiffiqineqassapput. Taasinermi amerlaqatigiittoqassappat, siulittaasup, imaluunniit peqataannginnerani siulittaasup tulliata, taasineri inerniliunneqassaaq.”</p>
<p>§ 30. Unammilleqatigiinnermut Ataatsimiititaliap paasissutissat pissutsit Inatsisartut inatsisaanni aalajangersakkani pineqartunut ilaanersut naliliinissamut pisariaqartut tamaasa piumasarisinnaavai.</p> <p><i>Imm. 2.</i> Unammilleqatigiinnermut Ataatsimiititaliap ilanngullugu naatsorsuutit, naatsorsuutinut najoqqutassat, atuakkanit pappialanngortitat, niuernermi pappiaqqat allat aamma nalunaarsuutit elektroniskimik toq-qortarineqartut saqqummiunneqarnissaat pi-umasarisinnaavaa.</p> <p><i>Imm. 3.</i> Imm. 1-imi paasissutissat taaneqartut Atuisartoqarnermut Unammilleqatigiinnermullu Aqutsisoqarfiup Sverigemi, Norgemi, Islandimi, Finlandimi, Savalimmi-uni Danmarkimilu unammilleqatigiinnermik oqartussanut ikiuinnermini atornissai aamma piumasarineqarsinnaapput, oqartussat taakku namminneq nunaminni unammilleqatigiin-</p>	<p>10. § 30 ima oqaasertaliorneqassaaq:</p> <p>“ § 30. Unammilleqatigiinnermut Ataatsimiititaliaq aamma Atuisartoqarnermut Unammilleqatigiinnermullu Aqutsisoqarfik, Inatsisartut inatsisaat malillugu pinnaatitsissuteqarnikkut suliaminnik suliaqarnissaminnut paasissutissanik, inuit imaluunniit inatsisitigut inuttut pinnaatitaasut noqqaassummik tigusaqartut iserfigisinnaasaanik, noqqaassuteqarsinnaapput, kiisalu inatsisartut inatsisaanni aalajangersakkani atukkanut tunngasut ilaatinneqartut pillugit nalilersuinissaminnut atugassaminnik noqqaassuteqarsinnaallutik.</p> <p><i>Imm. 2.</i> Unammilleqatigiinnermut Ataatsimiititaliap aamma Atuisartoqarnermut Unammilleqatigiinnermullu Aqutsisoqarfiup aningaasaqarnermut saqqummiussat, paasissutissat, atuakkat assilineri, suliffeqarfiup paasissutissaatai allat elektronikkikkullu paasissutissanik toqqorsiviit noqqaassutigisinnaavai.</p> <p><i>Imm. 3.</i> Imm. 1 malillugu suliffeqarfik, suliffeqarfiit kattunnikut, inuit imaluunniit</p>

<p>neq pillugu malittarisassanik atuinissaat siunertaralugu.</p>	<p>inatsisitigut inuttut pisinnaatitaasut paasissutissiinissaminut pisussaaffeqarput. <i>Imm. 4.</i> Ataatsimiititaliaq aqutsisoqarfilluunniit paasissutissanik noqqaassutigineqartunik tigusinissaanut piffissamik killigititamik naleqquttumik Atuisartoqarnermut Unammilleqatigiinnermullu Aqutsisoqarfik inissiissaaq. <i>Imm. 5.</i> Imm. 1-imi paasissutissat taaneqartut Atuisartoqarnermut Unammilleqatigiinnermullu Aqutsisoqarfiup Sverigemi, Norgemi, Islandimi, Finlandimi, Savalimmiuni Danmarkimilu, tak. § 34, unammilleqatigiinnermik oqartussanut ikiuinermini atornissai aamma piumasarneqarsinnaapput, oqartussat taakku namminneq nunaminni unammilleqatigiinneq pillugu malittarisassanik atuinissaat siunertaralugu.”</p>
	<p>11. § 30-p kingorna ilanngunneqassaaq: ” § 30 a. Atuisartoqarnermut Unammilleqatigiinnermullu Aqutsisoqarfik Unammilleqatigiinnermut Ataatsimiititaliap aaliangersimasumi arlalinniluunniit nioqquteqartuni nioqqutinik misissuisoqarnissaanut imaluunniit inuussutissarsiornermi aaliangersimasumut arlalinnuunniit ilusilersuinissamut aaliangernerata kingorna aallartitsisinnaavoq, tassani Unammilleqatigiinnermut Ataatsimiititaliaq isumaqarpat, inuussutissarsiornerup unammilleqatigiinneranut innarliisumik sunniuteqarpat. <i>Imm. 2.</i> Unammilleqatigiinnermut Ataatsimiititaliap imm. 1 malillugu aaliangiinerata kingorna, Atuisartoqarnermut Unammilleqatigiinnermullu Aqutsisoqarfik ataatsimiititaliap niuerfimmik misissuinissaq pillugu aallarniutissamik allagaqaataa tamanut tusarniaassutigineqaaqassaaq. <i>Imm. 3.</i> Unammilleqatigiinnermut Ataatsimiititaliaq imm. 1 naapertorlugu Atuisartoqarnermut Unammilleqatigiinnermullu Aqutsisoqarfik</p>

	<p>niuerfimmik misissuisoqassasoq, Atuisartoqarnermut Unammilleqatigiinnermullu Aqutsisoqarfiup matumani misissorneqartussat nalunaarutigalugit tamanut saqqummiissaaq.</p> <p>§ 30 b. Atuisartoqarnermut Unammilleqatigiinnermullu Aqutsisoqarfik, niuerfimmik misissuinermini arlaannik aaliangersimasumik pissusilimmik imaluunniit inuussutissarsiornermi arlalinnik unammilleqatigiinnermut sunniuteqartoq nalilerpagu, aqutsisoqarfiup iliuuserisassatut peqqussuteqarsinnaavoq.</p> <p><i>Imm. 2.</i> Peqqussutit inuussutissarsiuteqartuni unammilleqatigiinnermut sapinngisamik ajoqusiinnginnissai anguniarlugu unammilleqatigiinnerlu ingerlalluartinniarlugu suliffeqarfimmut, suliffeqarfinnut kattunnikunut imaluunniit inatsisilerituumut kimulluunniit tunniunneqarsinnaapput.</p> <p><i>Imm. 3.</i> Peqqussut piffissami aaliangersimasumi piffissaligaanngitsumilluunniit atuutsinneqarsinnaavoq.</p> <p><i>Imm. 4.</i> Aqutsisoqarfiup niuerfimmi attuumassuteqartut pisortaqarfiillu peqqussuteqannginnermi tusarniaaffigeqqaassavai.</p> <p><i>Imm. 5.</i> Imm. 1 malillugu peqqussut unammilleqatigiinnermut isumannaarisumik naammaginartuussaaq, pisariaqarlunilu naleqquttuulluni.</p> <p>§ 30 c. Atuisartoqarnermut Unammilleqatigiinnermullu Aqutsisoqarfik suliffeqarfimmit, suliffeqarfinnut kattunnikunit imaluunniit inatsisilerituumit neriorsuuteqalersitsisumik aalajangiisinnaavoq:</p> <p>1) Atuisartoqarnermut Unammilleqatigiinnermullu Aqutsisoqarfiup nalilerpagu, inuussutissarsiuteqartuni iliuutsitsigut periutsitigulluunniit</p>
--	---

	<p>inuussutissarsiutigisaanni pineqartumi unammilleqatigiinnermut innarliisoqarpat, aamma</p> <p>2) Aqutsisoqarfiup nalilerpagu, neriorsuutit inuussutissarsiutigisaanni pineqartumi innarliissutinut ikiuutaasinnaappata unammilleqatigiinnermullu siuarsaataallutik.</p> <p><i>Imm. 2.</i> Aqutsisoqarfiup niuerfimmi peqataasut pisorta qarfiillu peqqussuteqartigani tusarniaaffigeqqaassavai.</p> <p><i>Imm. 3.</i> Imm. 1 malillugu aalajangiinerit piffissami aaliangersimasumi atuutsinneqartassapput, imaluunniit piffissamik killiliussaqaanngitsumik, pisussaaffigisamik neriorsuut nalunaarutigineqarnerata kingorna, Atuisartoqarnermut Unammilleqatigiinnermut Aqutsisoqarfik § 30 b, imm. 1 malillugu peqqussuteqarnissamut, tunngavissaqarunnaartoq inissittassavaa. § 29, imm. 2-3, assingusumik atorneqartassaaq.</p> <p>§ 30 d. Atuisartoqarnermut Unammilleqatigiinnermullu Aqutsisoqarfik § 30 b, imm. 1 malillugu peqqussuteqarpat imaluunniit § 30 c, imm. 1 malillugu neriorsuummik pituttuisumik aalajangiippat, aqutsisoqarfik suliffeqarfinnut, suliffeqarfinnut kattunnikunut imaluunniit inatsisilerituunut suliami peqataasunut ilisimatitsissummik nassiussissaaq.</p> <p><i>Imm. 2.</i> Atuisartoqarnermut Unammilleqatigiinnermullu Aqutsisoqarfik § 30 b, imm. 1 malillugu peqqussut pillugu aalajangiussa q aamma § 30 c, imm. 1 malillugu neriorsuummik pituttuisumik aalajangiussa q tamanut saqqummiussinnaavaa. 1. pkt. malillugu aalajangiissutimut missingersuummik tamanut saqqummiussinermi § 24 a, imm. 3 assingusumik atorneqartassaaq.</p>
--	---

	<p><i>Imm. 3.</i> Atuisartoqarnermut Unammilleqatigiinnermullu Aqutsisoqarfik § 30b, imm. 1 malillugu peqqussuteqartigani imaluunniit § 30 c, imm. 1 malillugu neriorsuummik pituttuisumik aalajangiussaqaartigani, Atuisartoqarnermut Unammilleqatigiinnermullu Aqutsisoqarfiup illua-tungeriinnut aalajangiussaq nassiuteqqaassavaa.</p> <p><i>Imm. 4.</i> Illua-tungeriinnit oqaaseqaateqarnissamut tunniussinissamut killigititaq sapaatit akunneranik arfinilinnik sivisussuseqarpoq.</p> <p><i>Imm. 5.</i> Suliani, sulianik suliarinnittarneq pillugu inatsit malillugu tusarniaasoqassappat, oqaaseqaateqarnissamut killigititaq sapaatit akunnerinik pingasunik sivisussuseqarpoq, tassani suliaq Unammilleqatigiinnermut Ataatsimiititaliamut saqqummiunneqareersimanngippat. Kingullermi pineqartumi Unammilleqatigiinnermut Ataatsimiititaliaq sapaatit akunnerinik pingasunit sivikinnerusumik killigititassamik inissiisinnaavoq.</p> <p>§ 30 e. Atuisartoqarnermut Unammilleqatigiinnermullu Aqutsisoqarfik Unammilleqatigiinnermut Ataatsimiititaliap niuerfimmik misissuinissamik aaliangiineraniit kingusinnerpaamik ukiut marluk qaangiutsinnagit tamanut saqqummiussisinnaavoq, tak. § 30 a, imm. 3, ataani allaqqasut pillugit aalajangiinerit:</p> <ol style="list-style-type: none"> a) § 30 b, imm. 1 malillugu peqqussuteqarneq, b) § 30 c, imm. 1 malillugu neriorsuummik pituttuineq, imaluunniit c) Niuerfimmik misissuineq naammassineqartoq pillugu tamanut saqqummiussineq. <p><i>Imm. 2.</i> Atuisartoqarnermut Unammilleqati-giinnermullu Aqutsisoqarfik qaammatit arfi-nillit tikillugit killigititamik kinguartitsilluni aaliangiisinnaavoq,</p>
--	---

	<p>matumanilu aaliangiineq tamanut saqqummiullugu. <i>Imm. 3.</i> Inatsisartut Inatsisaanni §§ 31 aamma 32 Atuisartoqarnermut Unammilleqa-tigiinnermullu Aqutsisoqarfiup § 30 a, imm. 1 malillugu niuerfimmik misissuinerani assingusumik atorpeqartassaaq.</p> <p>§ 30 f. Atuisartoqarnermut Unammilleqatigiinnermullu Aqutsisoqarfik immikkoortumik aaliangersimasumik misissuisinnaan-ngussaaq imaluunniit immikkoortortani aaliangersimasuni unammilleqatigiinnermut pissutsinut paasisaqarnerorusulluni immikkoortortani assigiinngitsuni (immikkoortortamik misissuinissamut) isumaqatigiissuteqarnikkut misissuisinnaanngussaaq. <i>Imm. 2.</i> Atuisartoqarnermut Unammilleqatigiinnermullu Aqutsisoqarfiup imm. 1 malillugu misissuinissaminut nakkuginnilluni misissuinerit atorpeqartillugit §§ 31 aamma 32-mi aalajangersakkat assingusumik atuupput. <i>Imm. 3.</i> Atuisartoqarnermut Unammilleqatigiinnermullu Aqutsisoqarfik, § 24 a, imm. 3-mi aalajangersarneqartut malitsigisai, killigalugit imm. 1 malillugu misissuinerup inernerit pillugit tamanut saqqummiussisinnaavoq.”</p>
<p>§ 34. Atuisartoqarnermut Unammilleqatigiin-nermullu Aqutsisoqarfik unammilleqatigiin-nermi pisorta qarfiusunut allanut, Atuisartoqarnermut Unammilleqatigiinnermullu Aqutsisoqarfiup nipangiussimatitaanermut pisussaaffia malillugu, aamma pisorta qarfiit unammilleqatigiinnermut inatsiseqarnerat pisariaqartumik ersarissarniarlugu, Naalagaaffeqatigiinnermilu Kalaallit</p>	<p>12. § 34, imm. 1 aamma 2 ima oqaasertalerneqarpoq: ” Atuisartoqarnermut Unammilleqatigiinnermullu Aqutsisoqarfik unammilleqatigiinnermi pisorta qarfiusunut allanut, Atuisartoqarnermut Unammilleqatigiinnermullu Aqutsisoqarfiup nipangiussimatitaanermut pisussaaffia malillugu, aamma pisorta qarfiit unammilleqatigiinnermut inatsiseqarnerat</p>

<p>Nunaata illugiimmik aamma amerlasuunik peqataaf-figineqartunik pisussaaffinnik pisussaaffe-qarnerup naammassineqarnissaa qulakkeer-niarlugu, paasissutissanik tunineqarsinnaati-taallunilu tunniussisinnaatitaavoq.</p> <p><i>Imm. 2.</i> Unammilleqatigiinnermi pisorta qarfiusunut allanut paasissutissanik ingerlatitseqqiinnermi, Atuisartoqarnermut Unammilleqatigiinnermullu Aqutsisoqarfiup paasissutissat ataani allaqqasunik naammassinninersut qulakkeeqqaassavaa:</p> <ol style="list-style-type: none"> 1) tiguisusaaq assingusumik nipangiussimatitaanermik pisussaaffeqartoq, 2) illugiimmik amerlasuunilluunniit peqataaffigineqartunik isumaqatigiissutitip atuut-sinneqartup inissinneqareernerani atorneqar-nissaa kisiat siunertarlugu, matumani paarlaateqatigiinneq naapertorlugu ingerlanneqassappat, aamma 3) Atuisartoqarnermut Unammilleqatigiinnermullu Aqutsisoqarfimmit ersarissumik pisinnaatitsissuteqarnermi kisimi ingerlatitseqqinneqarsinnaasut, pisinnaatitsissutillu siunertaanut kisiat ingerlateqqinneqassasut. 	<p>pisariaqartumik ersarissarniarlugu, Naalagaaffeqatigiinnermilu Kalaallit Nunaata illugiimmik aamma amerlasuunik peqataaffigineqartunik pisussaaffinnik pisussaaffeqarnerup naammassineqarnissaa qulakkeerniarlugu, paasissutissanik tunineqarsinnaatitaallunilu tunniussisinnaatitaavoq.</p> <p><i>Imm. 2.</i> Unammilleqatigiinnermi pisorta qarfiusunut allanut paasissutissanik ingerlatitseqqiinnermi, Atuisartoqarnermut Unammilleqatigiinnermullu Aqutsisoqarfiup paasissutissat ataani allaqqasunik naammassinninersut qulakkeeqqaassavaa:</p> <ol style="list-style-type: none"> 1) tiguisusaaq assingusumik nipangiussimatitaanermik pisussaaffeqartoq, 2) illugiimmik amerlasuunilluunniit peqataaffigineqartunik isumaqatigiissutitip atuutsinneqartup inissinneqareernerani atorneqarnissaa kisiat siunertarlugu, matumani paarlaateqatigiinneq naapertorlugu ingerlanneqassappat, aamma 3) Atuisartoqarnermut Unammilleqatigiinnermullu Aqutsisoqarfimmit ersarissumik pisinnaatitsissuteqarnermi kisimi ingerlatitseqqinneqarsinnaasut, pisinnaatitsissutillu siunertaanut kisiat ingerlateqqinneqassasut.”
	<p>13. § 34-p kingorna ilanngunneqassaaq: ” § 34 a. Atuisartoqarnermut Unammilleqatigiinnermullu Aqutsisoqarfik sulianik suliarinninnermini atukkaminik uppersaatinik tamanut saqqummiisinaavoq, tassungalu pingajuusumit oqaaseqaatit pisariaqartinneqarpata. § 24 a, imm. 3, tamanut saqqummiussinnermi assingusumik atorneqartarpoq.”</p>
<p>§ 37. Naalakkersuisut imaluunniit Naalakkersuisunit tamatumunnga</p>	<p>14. § 37 ima oqaasertaliorneqarpoq:</p>

<p>piginnaatitaasoq, ullut tamaasa imaluunniit sapaatit akunneri tamaasa pinngitsaaliissummik akileeqqusissummik pisussaaffiliisinnaapput:</p> <p>1) paasissutissanik Unammilleqatigiinnermut Ataatsimiititaliap Inatsisartut inatsisaat manna malillugu piunasaqaatigisinnaasaannik tunniussinngitsunut,</p> <p>2) atugassarititaasumik imaluunniit peqqusissutaasumik Inatsisartut inatsisaat manna malillugu nalunaarutigineqartumik malinninngitsunut, imaluunniit</p> <p>3) neriorsuummik saneqqunneqarsinnaanngitsumik malinninngitsunut, takuuk § 29.</p>	<p>“ § 37. Naalakkersuisut imaluunniit Naalakkersuisunit matumangga akuerineqarluni pisussaatinneqartoq, ataani allaqqasuni ullormut imaluunniit sapaatip akunnikkaarlugit akileeqqussutinik peqqussuteqarsinnaavoq:</p> <p>1) Inatsisartut Inatsisaat malillugu Unammilleqatigiinnermut Ataatsimiititaliap imaluunniit Atuisartoqarnermut Unammilleqatigiinnermullu Aqutsisoqarfiup noqqaassutigisinnaasaat,</p> <p>2) Inatsisartut Inatsisaanni nalunaarutigineqarnikut malillugit piunasaqaammik imaluunniit peqqusummik naammassinnineq, imaluunniit</p> <p>3) neriorsuummik pituttuisunngortinneqarsimasumik naammassinnineq, tak. § 29 imaluunniit § 30 c, imm. 1.</p> <p><i>Imm. 2.</i> Imm. 1 malillugu akileeqqussutit, Nunatta Karsianut ikineqartassapput.”</p>
<p>§ 38. Akileeqqusissummik pineqaatissinneqarsinnaavoq piaaraluni imaluunniit sakkortuumik mianersuaalliorluni:</p> <p>...</p> <p>11) neriorsuummik § 29, imm. 1 malillugu saneqqunneqarsinnaanngitsumik unioqutitsisoq imaluunniit malinninngitsoortoq,</p>	<p>15. § 38, imm. 1, nr. 11-mi, ”§ 29, imm. 1”-ip kingorna: ”imaluunniit § 30 c, imm. 1,” ilanngunneqassaaq,”</p>
<p>§ 38. Akileeqqusissummik pineqaatissinneqarsinnaavoq piaaraluni imaluunniit sakkortuumik mianersuaalliorluni:</p> <p>...</p> <p>12) § 29, imm. 2 malillugu peqqusissummik unioqutitsisoq imaluunniit malinninngitsoortoq,</p>	<p>16. § 38, imm. 1, nr. 12-imi, ”§ 29, imm. 2,”-p kingorna: ”imaluunniit § 30 b, imm. 1,” ilanngunneqassaaq,”</p>

<p>14) Unammilleqatigiinnermut ataatsimiititaliamut imaluunniit Atuisartoqarnermut Unammilleqatigiinnermullu Aqutsisoqarfimmu paasissutissanik eqqunngitsunik imaluunniit tammartitsisunik tunniussaartoq imaluunniit suliamut paasissutissarsiorfigisamut paasissutissat pingaartut nipangiunneqarpata.</p>	<p>17. § 38, imm. 1, nr. 14, ima oqaasertaliorneqassaaq: “ 14) Unammilleqatigiinnermut ataatsimiititaliamut imaluunniit Atuisartoqarnermut Unammilleqatigiinnermullu Aqutsisoqarfimmu imaluunniit immikkoortoqarfimmik misissuinermi paasissutissanik eqqunngitsunik imaluunniit tammartitsisunik tunniussaartoq imaluunniit suliamut paasissutissarsiorfigisamut paasissutissat pingaartut nipangiunneqarpata.”</p>
	<p style="text-align: center;">§ 2.</p> <p>Inatsisartut Inatsisaat ulloq 1. juuli 2026-mi atuutilissaaq. <i>Imm. 2.</i> Inatsisartut Inatsisaat suliffeqarfinnut kattunnikunut, tassa kattunnissamut isumaqatigiissuteqareersimasunut, piginnittussamit neqerooruteqartoqareerneratigut imaluunniit piginneqataasoqaruni Inatsisartut inatsisaata atuutsinneqalinnginnerani aqutseqataanissamut piginneqataasumik, atuutsinneqassanngilaq. Kattunnerni taamaattuni inaatsisit maannamut atuuttut atuussapput.</p>

Ilangussaq 2**Tusarniaanermi akissuteqaat**

Piffissami 21. novembari 2025-miit 15. decembari 2025-mut siunnersuut tamanut ammasumik Naalackersuisut.gl tusarniaaviani tusarniaassutigineqarpoq.

Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalackersuisoqarfiup ataaniittuusup Atuisartoqarnermut Unammilleqatigiinnermullu Aqutsisoqarfiup oqatussanit, kattuffinniit assigiinngitsuniillu allaneersunit tusarniaanermi akissuteqaatinik tigusaqarpoq:

Naalackersuisut Siulittaasuata Naalackersuisoqarfia, SIK, Nalik Ventures, Kommuneqarfik Sermersooq, Sulisitsisut (Grønlands Erhverv) aamma Grønlandsbanken.

Tusarniaanermi akissuteqaatit tiguneqartut naalisarneqarneri nalinginnaasumik naqinneqarlutik naqqani allasimapput, Naalackersuisuniillu oqaaseqaatit uingasumik allasimallutik.

Uku oqaaseqaateqanngillat: Naalackersuisut Siulittaasuata Naalackersuisoqarfia, Nalik Ventures aamma Kommuneqarfik Sermersooq.

SIK

SIK tusarniaanermi akissuteqaatimini allappoq ”Unammilleqatigiinnermut Ataatsimiititaliap sullivanik suliaqarnerminut pisinnaatitaanerata annertunerulernissaa pillugu SIK ukuninnga oqaaseqaateqarpoq,

Unammilleqatigiinneq pillugu Inatsisartut inatsisaata allanngortinneqarneranik Inatsisartut inatsisaanut siunnersuummut tunngatillugu tusarniaanermut, SIK tapersersuivoq.”

Naalackersuisut SIK-p oqaaseqaatai tusaatissatut tiguai.

Sulisitsisut (Grønlands Erhverv)

Niuerfinnik misissuisoqarsinnaaneranut periarfissaqarneratigut, inuiaqatigiinni sunniuteqarluartumik unammilleqatigiinnerup siuarsarnissaata ukkatarineqarnera, tamatumunngalu pissusilersuut unammilleqatigiinneq pillugu inatsisinut toqqaannartumik unioqquitsinertut nalilerneqanngikkaluartoq peqqussutuliortoqarsinnaaneralu Sulisitsisut (Grønlands Erhverv) pitsaasutut isigaa.

Naalakkersuisut oqaaseqaatit tusaatissatut tiguai.

Sulisitsisut (Grønlands Erhverv) eqqaavaa, unammilleqatigiinnermik equtitsisumik pissusilersuutit pillugit inuinnaat, kattuffiit aamma suliffeqarfiit niuerfimmik misissuisoqarnissaanut kajumissaarisinnaanissai eqqarsaatersuutigineqartariaqartoq. Tamanna Unammilleqatigiinnermut Ataatsimiititaliamit taamak pissusilersuutit naammattoorneqarnikut kisimik misissorneqarunnaarnissaanik isumaqassaaq.

Ullumikkut Atuisartoqarnermut Unammilleqatigiinnermullu Aqutsisoqarfik mailikkut oqarasuaatikullu attavigineqarsinnaanera periarfissaareerpoq, aamma suliani taamak isikkoqartuni Sulisitsisut eqqaasaani. Aqutsisoqarfiup naammagittaalliuutit unnerluutillu isertut tamaasa suliarisarpai. Siunissami unammilleqatigiinnermik equtitsisumik pissusilersuutit pillugit misissuisoqarnissaanut kajumissaarisooqarluni unnerluummik takkuttoqassappat, saaffiginnissut taanna aamma suliarineqassaaq.

Tamassuma saniatigut whistleblower-imik aaqqissuusaqarpoq. Unammilleqatigiinnermut inatsimmik unioqutitsisoqarsimaneranut pasitsaassisoqartillugu whistleblowerportalen-ikkut unnerluussisoqarsinnaavoq. Unnerluussinerit whistleblowerportalen-ikkut isertut tamaasa Unammilleqatigiinnermut Ataatsimiititaliap suliarisarpai. Unammilleqatigiinnermi inatsisilerineri ajornartorsiuteqartoq misissuinerup takutippagu, suliamik aallartitsisoqassaaq.

Taamaattumik Sulisitsisut siunnersuutaa akuerinissaanut inatsisitigut, allaffissornikkut imaluunniit aaqqissuusaanikkut nutaamik suliateqarnissaq pisariaqanngitsoq nalilerneqarpoq.

Grønlandsbanken A/S

Grønlandsbanken-ip eqqaavaa, suliffeqarfinnit misissorneqartunit paasissutissanik oqartussat piniarsinnaanerit siunnersuut ammaanersaaq.

Tamanna eqqorpoq. Tamanna inatsimmik allannguinnissamut siunnersuutip siunertaasa ilagaat. Tamakkiisumik atuisunut aamma inuiaqatigiinnut iluaqutaasumik niuerfiit iluamik ingerlanissaasa qulakkeernissaanut niuerfiit misissorneqartarnissaanut aamma niuerfiit immikkoortut misissorneqartarnissaanut sakkut nutaat akuerineqarnissaat siunnersuutigineqarpoq.

Grønlandsbanken-ip oqaatigaa, oqartussat taakkunanga paasissutissanik suliami peqataasuusinnaasumut avataaneersumut avitseqateqarnissaanut siunnersuut ammaasisoq.

Naak unammilleqatigiinnermut inatsimmik unioqqutitsisoqanngikkaluartoq, paasissutissanik taakkuninnga suliami peqataasuusinnaasumut avataaneersumut avitseqateqarneq suliffeqarfiit ingerlatsinerannut naapertuuttumik akuliunnertut Grønlandsbanken-ip isiginngilaa.

Suliffeqarfiup paasissutissaatai isertukkat niuernermit tunngasut unammilleqatigiinnermut oqartussaasut suliffeqarfiup unammillertaanut avitseqatigissinnaaneri paatsoornermik pissuteqarpoq. Tamanna unammilleqatigiinnermut inatsisip siunertaanut akerliunerussaaq.

Taamaalilluni § 34 a, 2. pkt. naapertorlugu, allagaatit isertugaataanngitsut tamanut saqqummiunneqarsinnaallutillu tunniunneqarsinnaasuupput. Allagaat pineqartoq paasissutissanik teknikkikkut pissutsinik il.il. imaluunniit ingerlatsinermit- aamma niuernermit tunngasunik isertugaatinik imaqaqqusaannginneranik tamanna nassataqarpoq.

Suliamut peqataasuusinnaasunut avataaneersunut kikkunnt suut avitseqatigineqarsinnaanerinit aamma inernej suna siunertarineqarneranut atatillugu sammisamut tassunga siunnersuut ersarinngitsoq Grønlandsbanken-i isumaqarpoq.

Qulaani akissut takuuk.

Grønlandsbanken-ip eqqaavaa, oqartussat misissuinerisa naammassereernerata kingorna, paasissutissat unammillertinut siaruarterneqannginnissai qulakkeerniarlugu oqartussat qanoq isiortarneri pillugit nassuiaatinik siunnersuut imaqaanngilaq. Illersorneqarnissamut piumasaaqatini suliffeqarfiit ilaasut Grønlandsbanken-ip eqqaavaa.

Qulaani akissut takuuk.

Grønlandsbanken-ip erseqqissaatigissallugu pingaartippaa, naak suliffeqarfiit unammilleqatigiinnermut inatsimmik unioqqutitsisimanngikkaluartut, Atuisartoqarnermut Unammilleqatigiinnermullu Aqutsisoqarfik Kalaallit Nunaanni suliffeqarfinnik misissuinissaminut inatsisitigut tunngavissaqalissammat, tak. unammilleqatigiinnermut inatsimmi § 30 a-mi niuerfinnik misissuinermit tunngasoq.

Tamanna eqqorpoq. Taamaattorli niuerfinnik misissuinissaq Unammilleqatigiinnermut Ataatsimiititaliamiit akuerineqaqqaassaaq. Taamaasilluni niuerfinnik misissuilertoqarsinnaanissaanut tamassumalu annertussusissaata inissinneqarsinnaaneranut tunngatillugu aalajangiinnermi Unammilleqatigiinnermut Ataatsimiititaliap immikkut ilisimasaqarnera ilanngunneqarnissaa qulakkeerneqassaaq.

Pissutsit unammilleqatigiinnerup sunniuteqarluartup sanngiullineranut takutitsisut qanoq aqunnissaanut sakkussatut siunnersuutigineqarpoq.

Niuerfinni naleqqutinngitsumik aaqqissuussaannerit akiorsinnaanissaanut niuerfinnik misissuinerit aamma niuerfinnik immikkoortunik misissuinerit tassaapput unamilleqatigiinnermut oqartussaasunut sakkut pingaarutillit.

Pissusilersuutinik imaluunniit aaqqissuussaannerik aallaaveqartunik niuerfinnik misissuinissamik aalajangiinerit qanoq tungavilersorneqartassanersut bankip ersarinngitsutut nalilerpaa. Suliffeqarfiit inatsimmik unioqqutitsisimangippata, misissuinerimik aallartitsineq naleqqutinngitsumik inatsisitigut akiliunnerusooq bankip uparuaavoq.

Niuerfinnik misissuineq Unamilleqatigiinnermut inatsimmik unioqqutitsisimasunut saaffiginnittuunngilaq, taamaattorli sunniuteqarluartumik unamilleqatigiinnerup sanngiillisinneranik takussutissaqartitsisut iliuuseqarfiginissaanut saaffiginnittuulluni. Pisuni ataasiakkaani tamani paasissutissat aamma pissutsit apeqqutaasassapput.

Eqqumaffiginiaqquneqarpoq, niuerfimmik misissuisoqarnissamik aallartittoqarsinnaanissaa pillugu aalajangiinissamut tunngatillugu allaqgitassiamik tamanut ammasumik tusarniaasoqartassaaq. Attuumassuteqartut naleqquttut tamaasa unammillernermit pissutsinik, tassannga aamma ilaatigut niuerfinnik misissuinerimik pissutsit suut ilaatinneqartussatut naleqqutissanersut pillugit naliliinissaminut tunngatillugu tusarniaanermut akissuteqarnissaminut tusarniaaneq periarfissiissaaq. Unammillerneq sunniuteqarluartutut nalilerneqarpat, inatsisitigut sunniuteqartitsisoqassanngilaq.

Niuerfinnik misissuineritigut sunniuteqarluartumik unamilleqatigiinnerup qulakkeerneqarnissaa naleqqutinngitsumik inatsisitigut akiliunnerusutut bankip paasinninnera Naalakkersuisut isumaqatiginngilaat.

Qaqugukkut misissuineq taamaattoq aallartinneqarsinnaaneranut piumasaqaatit minnerpaat siunnersuutip ersersinngikkai, kiisalu Kalaallit Nunaanni sumiiffiit immikkoortiterinerini pissutsit immikkuullarissut atuuttut eqqarsaatigineqarnersut siunnersuummi ersarinngitsoq bankip isoraa.

Kalaallit Nunaata aningaasaqarnera annikikkami, allanut naleqqiullugu amerlanngitsunik ingerlatsisoqarluni, atuisunut iluaqutaasumik sunniuteqarluartumik niuerfinni unamilleqatigiittoqarnissaata qulakkeernissaa, aamma ingerlatsisussat nutaat niuerfimmut isernissaanut pinaveersaartinneqannginnissai pingaaruteqartorujussuuvoq. Qulaani akissutit aamma takukkit.

§ 30 b-mut atatillugu, Atuisartoqarnermut Unamilleqatigiinnermullu Aqutsisoqarfiup niuerfinnik misissuinissamut atatillugu pissusilersuutitigut peqqussutinik

tunniussisinnaaneranut periarfissamut tunngasumut atatillugu, banki ukunannga oqaaseqaatissaqarpoq.

Suliffeqarfiup pissusilersuutai peqqutaallutik unammilleqatigiinnerup isikkuata nukilaallisinneranut suna inerreqartitsinersoq aamma Kalaallit Nunaanni pissutsit Danmarkimiit allaanerungaatsiarnerneranut suna peqqutaanersoq pillugu oqartussat qanoq immikkoortitsisinnaanerannut siunnersuut piumasaqaatinik inisseerpasinngitsoq bankip eqqaavaa.

Danmarkimi aamma Kalaallit Nunaanni pissutsit, tassannga aamma siunnersuuttip saqqummiunnissaanut atatillugu assigiiffiit aamma assigiinngiffiit, sanillersuunnissaanut naleqquttoqanngilaq. Atuisunut aamma tamakkiisumik inuiaqatigiinnut iluaqutaasussamik maani nunami sunniulluartumik unammilleqatigiittoqarnissaa qulakkeerneqarnissaa pillugu siunnersuut tunngaviusumik tunngassuteqarpoq.

Tamassuma saniatigut bankip eqqaavaa, Atuisartoqarnermut Unammilleqatigiinnermullu Aqutsisoqarfik Danmarkimiit misilittakkanik suliaqannginnera akunnakusoortoq, saqqummiunneqartoq siunnersuummut assingummat.

Atuisartoqarnermut Unammilleqatigiinnermullu Aqutsisoqarfiup ilisimatitsiisutigaa, Danmarkimi misilittakkat naapertuuttut, Kalaallit Nunaannut 1:1-mik nuunneqarsinnaasut, ilisimasaqarfiginagit.

Suliffeqarfinnut, suliffeqarfiitiminnik ataqqinnittumik unammilleqatigiinnermullu inatsimmut naapertuuttumik ingerlatsisunut, unammilleqatigiinnermut oqartussaasut pissusilersuutitigut peqqussutinik tunniussisinnaalernissai Grønlandsbanken-ip inatsisitigut isumannaatsuunermt tunngatillugu aarlerinartippaa.

Naalackersuisut eqqumaffiginiaquaat, niuerfinnik misissuineq inatsimmik unioqutitsinermut attuumassuteqanngitsoq. Taamaalilluni siunnersuut unammilleqatigiinnermut oqartussaasut unammilleqatigiinnermut ajornartorsiutinik, pissutsinik unioqutitsinernik tunngaveqanngitsunik, akiornissaanut periarfissaqartitsinissaanik siunertaqarpoq. Inatsisitigut isumannaatsuunissamut atatillugu bankip aarlerinera assigalugu Naalackersuisut aarlerinartitsinngilaq. Sukumiisumik misissuisoqareernerata aamma suliffeqarfiup tusarniaaffigineqareernerata kingorna taamaallaat peqqussut atulersinneqarsinnaavoq. Pinerluuteqarsimasutut pineqaatissiissutaanngillat.

Tamassuma saniatigut bankip eqqaavaa, aqutsisoqarfiup qanoq una sulisaaseq atortitsinissamut sakkoq atorniarneraat inatsisinut nassuiaammi erseqqissumik takuneqarsinnaanngitsoq.

§ 30, imm. 1 nassuiaataani takuneqarsinnaavoq, unammilleqatigiinnermut sanngiillisitsisut suussusersisarnissaanut ikiorsiisarnissaq aamma immikkoortumi imaluunniit immikkoortuni pineqartuni unammilleqatigiinnermut pissutsit sunniuteqarluartut siuarsarnissai peqqussutip siunertarigai.

Atuisunut pissutsit pitsaannerusut aamma akit appasinnerusut qulakkeernissaanut pissusilersuutitigut peqqussutit peqataasinnaapput.

Sunniuteqarluartumik unammilleqatigiinnermut erseqqissumik sanngiillisitsisut suussusersineqarpata, niuerfinnik misissuinnermut atatillugu naapertuutinnngitsumik pissutsip allanngortinnissaanut Atuisartoqarnermut Unammilleqatigiinnermullu Aqutsisoqarfik pissusilersuutitigut peqqussuteqarsinnaavoq.

Unammillertaasut paasissutissanut isersinnaalertinnissaanut peqqussutip suliffeqarfiit inatsisinut naapertuuttumik unammillernermut iluaqutissaanik arsaarinnissasoq banki allappoq. Taamaattumik suliffeqarfik paasissutissanik piginnittoq paasissutissanik tiguisuniit unammillertinit naleqquttumik taartisinissaa inatsisiliortup qulakkiissavaa.

Nassuiaat taanna paatsoorneqarnermik aallaaveqarpassippoq. Unammillertaasut suliffeqarfiup paasissutissaataanut isersinnaalernissaat pillugu pissusilersuutitigut peqqussummik Atuisartoqarnermut Unammilleqatigiinnermullu Aqutsisoqarfik tunniussisinnalernissaanut siunnersuut tunngavissaqartitsilernavianngilaq.

Bankip eqqaavaa, Kalaallit Nunaanut aningaasaliisussanik pissarsiniartarnej ajornakusooreertoq, bankillu ilimagaa siunnersuutip tamanna oqilisinnavianngikkaa.

Unammilleqatigiinnermut inatsimmi allannguutissatut siunnersuutigineqartut Kalaallit Nunaanni aningaasaliisarnermut sanngiillisitsisinnanaaneranut atatillugu bankip ernumassutaa Naalackersuisut ernumassutiginngilaat. Nunani avannarlerni allani arlaqartuni assingusunik inatsiseqarpoq.

Bankip siunnersuut erseqqinnngitsutut isigaa, aamma Kalaallit Nunaannut ataqatigiissinnissaa ajornakusoortillugu. Pissusilersuutitut aamma aaqquissusaanernut sorlernut siunnersuut saaffiginninersoq pillugu banki piviusunik assersuutitigut amigaaqarpoq.

Maani nunami pissusilersuutitigut aaqqissuussaanikkulluunniit pissutsit sorpiaat takkuttussinnaasutut ilimagineqassanersut oqaatigineqarsinnaanngilaq. Niuerfiit sorliit misissorneqarnersut, aamma pissutsit sorliit atuunnersut apeqqutaassaaq.

Suliffeqarfiup paasissutissaataanik unammillertaasunut avitseqateqarsinnaanermut periarfissaq suliffeqarfiup pisinnaatitaaffiinik naleqqutinngitsumik annertuumillu akuliunnerusoq banki isumaqarpoq.

Bankip paasinninnera unammilleqatigiinnermut oqartussaasut suliffeqarfiup unammillertaanut paasissutissanik isertukkanik avitseqateqarsinnaanerannut tunngasoq paatsoorneruvoq. Tamannattaaq unammilleqatigiinnermut inatsisip siunertaanut akerliussaaq.

Unammilleqatigiinnermut inatsisit ilaatigut suliffeqarfiit akinik, pissutsinik il.il. avitseqatigiinnginnissaat imaluunniit akinik niuernikkulluunniit unammilleqatigiinnermut sunniuteqarluartumut akorngusiisunik isumaqatigiissusiunnginnissaat siunertarivaa.